

Q V Æ S T I O
P R O L A V R E A
Chirurgica.



DISCUTIENDA DIE MARTIS TRIGÉ-
sima Decembris in Cœnobio Mathurinorum,
30895 hora decima,

PRÆSIDE DOCTISSIMO VIRO D.
HIERONIMO DE LA NOVE, REGIS CHIRURGO
& in Castellæ Parisiensi pro Rege Jurato.


An Caries & Alteratio eadem, iisdemque tractanda remedijs.

Proponebat IOANNES LANAY Boscomunensis.



1608.

QVAV
P R O L A
Chir



DISCUTIENDA DA
Sua Decretis in Con
hora a
30898

PRÆSIDE DOCTI
HIERONIMO DE LA NO
& in Castellor Paris

An Casu & Alimtis eadem
Proponebat Iohannes I



Ab. Ioue principium Lucie operisq. petatur
Sonus in hoc facto desinat esse labor

Hoc illud ut dicas. mea dextera fecit
Dedime. hoc ego mi. die magis fecit opus

Quisquis hunc furto

Capit. libellum

Nec suo. reddat

Lanceo petent

honda poena

Punietur ille.

Crimine digna

Jamais un brave Coeur n'est
Sans ambition

L'Anay

~~Prince des Coeurs~~

3. ressit Dulcere. Virtue

Virtue in infirmitate Perficitur. Paul

[Faint, illegible handwriting throughout the page]

[Large, stylized handwritten mark or signature]

[Faint text at the bottom of the page, possibly a signature or date]

30295

RESPONCE AV PARADOXE

De Maistre Iacques de Marque

On il dict,

Que la Mouëlle n'est pas la
riture des O

Par

IEAN LANAY, *Maistre*
Chirurgien à Paris.



A PARIS,

Chez CLAUDE RIGAUD, tenant sa boutique au
Palais. à la Chappelle S. Michel.


1607.

Avec Per mission.

THE UNIVERSITY OF CHICAGO
PRESS

THE UNIVERSITY OF CHICAGO
PRESS
54 EAST LAUREL STREET
CHICAGO, ILLINOIS 60607
U.S.A.

THE UNIVERSITY OF CHICAGO
PRESS



A PARIS

CHICAGO, ILLINOIS, U.S.A.
CHICAGO, ILLINOIS, U.S.A.

CHICAGO, ILLINOIS, U.S.A.
CHICAGO, ILLINOIS, U.S.A.



A MESSIEURS
LES DOCTEURS 
REGENTS DE LA FACULTE
de Medecine de Paris.

MESSIEURS,

Si ainsi est que l'homme soit quelque chose de plus que la Plante & que tout Animal pour parfait qu'on puisse rapporter, ou est celui qui dérogeant d'une si singuliere nature, vueille par actions contraires estre iugé leur inferieur? Les plantes à l'issue de leur mere commune, font comme un hōmage à leur Geniteur leuant leur cyme vers le Ciel: Et les animaux plus parfaits, non par un regard esleué. (car il n'est propre qu'à l'homme,) mais par une voix particuliere qu'ils rendent en naissant, & tout le re-

^a Ovide.

ste de leur vie, semblent ainsi exalter leur Createur. L'homme donc capable de raison, ne fera-il point sortir de soy quelques effects en tesmoignage d'une si noble & singuliere nature qui est en luy? A la verité (Messieurs,) ie meriterois iustement le nom d'ingrat, & serois indigne de la profession & qualité que ie porte, si le premier fruct de mon estude (la semence duquel est sortie du riche & fecond thresor de vostre Faculté) ne vous alloit (apres Dieu) en signe d'hömage reconnoistre pour Autheurs & legitimes Peres. I'ay peur que de prime abord le iugeant si agreste & sauvage comme il est, en esgard à son tronc & racine, vous ne le reiettiez comme des-aggreable & plein de mauvais suc. Que s'il plaist à vostre bonté & coustumiere patience, en mordant plus auant le gouster d'un palais bien sain: Ie m'asseure que le iugerez doüe de nature & qualitez conforme a son

origine. Tout ce que ie redoute le plus est la crainte d'estre estimé temeraire en vostre endroict. Mais encôres me vaut-il mieux (tout bien considéré) encourir ceste douce accusation, que le nom d'ingrat qui me seroit autrement deu & ineuitable. Puis, à quels Pilotes ou Maistres plus prudens & assurez le scaurois-ie soumettre pour acquerir la perfection qui luy manque, & le preseruer des dens enuenimees d'une mordante enuie, & calomnie cuisante? (trop communes auiourd'huy au grand regret & preiudice des plus gens de bien) Estant donc vostre d'origine, & s'allant ietter entre vos bras avec tout le respect & l'humilité qu'il peut & vous doit, ne le laissez (ie vous supplie) partir d'aupres de vous, sans le sceller au front du seau de vostre venerable Faculté: affin qu'avec ce sauf-conduict, il puisse en toute seureté franchir les dangers du voyage qu'il entreprend:

Que de vostre ordonnance, il remet-
 tel appetit à ceux qui l'ont mal à pro-
 pos perdu sur le plus delicat & friand
 morceau qui se trouue parmy les Os,
 Surquoy m'asseurant, ie demeure.

MES SIEURS

Vostre tres-humble &
 obeissant seruiteur

LANAY.

Ce 4. iour de Decembre. 1606.



PREFACE AVX ESTV-
dians en chirurgie.

A'Aurois peut-estre semblé teme-
raire ou presomptueux au iuge-
ment de plusieurs (qui iugent
plustost l'autruy qu'eux-mesmes (si en
acceptant le duel qui m'est signifié en
forme de Paradoxe, par l'vn de nostre
compaignie (que pour ce i'honore) ie
n'ouurois au front de la responce que ie
luy pretends faire par mesmes armes en
ce liure, la cause & le motif premier de
nostre contention & duel. Il y a deux
ans & plus, que ie fus prié par quelques
estudiâs en Chirurgie de leurenseigner
les operations chirurgicales, ensemble
l'Osteologie, qui est la cognoissance des
Os (du corps humain principalement
comme subiect du Chirurgien.) Con-
descendu ie dis vn iour *Que la Mouelle ou
le suc Mouelleux pour icelle, estoit la nourritu-
re des Os :* qui est l'opinion commune
de tous les Medecins, Philosophes,

& des Chirurgiens, mais non de tous, comme il appert du Paradoxe nouveau à ce contraire : auquel estant deffyé de respondre par l'Autheur d'iceluy, n'aurois-je pas donné trop de prise à la calomnie, si ie ne m'estois mis en deuoir d'y satisfaire par quelque acquit ? C'est pourquoy ayant compilé des Autheurs ce peu de raisons que i'en ay peu recueillir en si peu de temps & de loisir qu'il me reste parmy nostre exercice Chirurgicale & ordinaire, Je fais maintenant sortir au iour le tesmoignage de raisõ qu'auoiët ceux là, qui premiers ont eu ceste opinion, & là nous ont laissée dans leur escripts pour vne verité & asseuree doctrine. Et si par cy deuant j'ay manqué de raison (comme l'on dit^b) en adherât à la nue authorité de si graues hommes qu'estoient Hipocrate, Galien & autres féblables, desquels i'ay puisé ce peu de doctrine qui m'a encouragé (mon corps deffendant) d'escrire contre ledit Paradoxe, i'espere que ce deffaut (si aucun y a) me sera plus excusable, qu'en voulant dire chose contraire à leurs escripts me declarer leur ennemy. Vray est qu'auât ceste curieuse recherche de la verité d'i

celle (laquelle i'ay faicte depuis deux mois en ça) i'auois peu de chose ioinct a ceste opiniõ qui me peust fortifier cõte sa contraire. Mais ce qui m'asseuroit & me faisoit tenir à ce que i'en auois proposé, estoit, que ie me persuadois cela n'auoir esté cruëment & vainemēt proposé de si excellens hõmes, & suiuy par tāt de sçauās depuis eux, la doctrine desquels nous sert maintenant comme d'ũ soleil pour dissiper les espaisse tenebres de l'ignorāce, & nous esclairer parmy les precipices & funestes embusches que nous dresse iournallement nostre aduerse fortune. Pour recompense de quoy, que sçaurions nous moins pour eux que d'honorer leur escrits ? Et si nous y aduisions du manque de le couvrir du voile d'vne douce & prudente explication? nous remettant deuant les yeux qu'vne pareille ou bien plus lourde faure nous pourroit bien arriuer en semblable & beaucoup moindre occasion. Mais moy qui desire continuellement apprendre d'eux non les reprẽdre, & qui iuge leur doctrine tres-bonne & assuree, me vaut-il pas mieux les appeler en tesmoignage de l'equitẽ de ma

cause que de les recuser? veu mesmes qu'ils sont si bien ouïs & receus en tant de lieux. Et d'autant que le nombre d'iceux (qui est tres-grand) seroit à grands frais, s'ils estoient tous ouïs par commissaires à vn escu pour tēste, & que leur deposition consomeroit trop de temps & de papier si elle estoit toute ouïe & redigee par escrit, seulement sur ce subiect: pource me veux-ie contenter d'en faire ouyr pour ceste heure quatre, deux anciēs assauoir & deux modernes, avec vne succinēte & briefue deposition de ce qu'ils en sçauent. Premièrement l'Hipocrate touchant.^a ce faict dict.

^a 1. de alimento.

^b 2. l. fac. nat.

^c 3. facul. nat.

^d 2. phisio- log c. 2.

Μιελὸς τρώφῃ διὰ τοῦτο ἐπιποφύται. Et le Galien.^b *Ossium cauernulæ, continent in sese multum humoris, huiusque albi, in id comparati vt Ossa nutriat & ailleurs.*^c *Qualis est carnibus sanguis talis est Ossibus Medulla.* Mais Fernel^c qui parle vn peu plus auantageusement de cela dit.^d *Medulla quæ in exilibus Ossium cauernis est, nō pars corporis, sed Ossium alimentum existit. Similiter quæ maiores implet Ossium cavitates, quamquam firmior solidiorque existat, Alimentum tamen est Ossis, quod è venis & à sanguine deductum in adipem concrefcit à frigore seu tepore Ossis (vt ait*

Aristoteles) *Quod si illius efficiens est frigidum, quomodo pars corporis esse potest?* Et Syluius le suit au train disant : *In magnis Ossium magnorū cavitatibus continetur Medulla: in paruorum autem cauernulis humor albus, propriū cuique ipsorum Alimētum.* Or dit l'adage commun, que *In ore duum vel trium stat omne verbum.* Ces quatre doncques (la vertu desquels n'a peu onc tenir pour quelques orages qui se soient leuees contraires) seront-ils recusés & reproches pour telmoings? Il n'y auroit pas raison de le faire en vn si leger suiet, & partant disoit à propos galien a Erasistrate. *Tot tantisque viris.* (parlāt d'Hippocrate, Platon, & semblables) *non assentiri, sed se plusquam illos scire putare sine inuidia esto.* Et ailleurs. *Qui Hippocratis rationem præterit, & aliud quippiam de rerum actione dicere se putat, nonne ille est omnino ridendus?* Cheminant donc sous le drapeau & conduite de si braues Capitaines, ne dois-je pas hardyment poursuiure la pointe de mon entreprise? Je te supplie (Amy lecteur) de suppleer au deffaut que tu trouuerras en ce discours par la pureté de ta vertu, & d'auoir plus esgard (en lisant) à la candeur de mon affection qu'a

^e l. 2. c. 6.
de part. animalium.

^f Isagog. anat. c. 9.

^a duobus

^g facult. natur.

^h ibidem.

mon merite, de laquelle; j'ay mieux aimé rendre vn tesmoignage au public en escriuant (quoy que cela ne me soit aduantageux) que par vn morne silence me conuaincre de pusilanimité & d'ingratitude.

In dies spero meliora.

A MONSIEUR DE MARQUE
Maistre Barbier Chirurgien
à Paris.

Pour ne point frustrer l'esperance de mes amis, Et la vostre, j'ay employé tout le loisir que j'ay eu (depuis que me fistes present de vostre Paradoxe) pour me despescher de la responce que vous en desiriez de moy. Vous pourrez voir en icelle, si ceux qui tiennent. Que la Mouëlle est l'Aliment des Os sont sans raison. ^a Par certains endroits d'icelle, j'ay cité quelques passages Latins (qui est la langue en laquelle j'ay leu les Auteurs) craignant d'alterer leur sèrèce par mon mauvais langage. Je vous supplie de prendre le tout d'ausi bõne part cõme ie le desire, qui suis,

^a paradoxe
.2. cb.

VOSTRE

L A N A Y.



QUE LA CHALEUR
est le principe & cause efficiente de
toutes les actions tant naturelles
qu'Animales du corps humain.

C'Est vne maxime accordee entre tous les Medecins & Philosophes: Que la chaleur est le Principe, & cause efficiente de toutes choses qui non seulement vivent mais aussi & principalement de la generation, accroissement & nutrition des animaux, ensemble du mouuement & sentiment qui est en iceux: Voire mesmes ^b que rien d'anime pour froid qu'il soit de complexion Elementaire, ne peut viure sans la faueur de ce principe benign, & necessaire. Mais comme d'entre les corps animez les vns sont plus parfaicts que les autres Aussi est ce Principe autrement communique aux vns qu'aux autres: Ainsi la plus parfaite plante qui soit ^c n'est comparable en perfection, n'y en chaleur par consequent au moindre des Animaux. De mesmes, le plus parfaict Animal n'est comparable ny ne doit estre paragonné au moins parfaict des hommes, à raison de ce Principe qui est naturellement communique en toute perfection & beaucoup

^a Hipocr. l. de nat. hu. plato phed. Gal. l. b. de pla. Hip. & pla. & com. ment in Hipocr. de nat. hum.

^b Plato in Tim. Ari. l. 1. de ortu. Gal. l. tem. peram & de facult. na.

^c Gal. l. tem. per. de facult. nat. & 6. de placit. Hip. & Plat. Fernel. l. 2. 3. & 5. bysiolog.

plus excellemment à l'homme qu'à tout autre corps anime pour excellent & parfait qu'il puisse estre. D'ou vient qu'en iceluy s'exercent & reluisent des actions merueilleusement belles & singulieres, differentes de toutes celles des autres corps animés. Mais en quoy gist & consiste la perfection de ce principe. c'est (disent l'Hipocrate^d & Galien^e) en vne egale mixtion & temperature moyenne des 4. qualitez Elementaires. Tellement que l'homme qui est le plus temperé de tous les animaux, & d'entre les hommes celuy qui est le plus temperé^f est aussi dict le plus parfait, & consequemment de chaleur naturelle le plus chaud de tous les corps naturels tant vegetables qu'animaux. Et d'autant que les parties de l'homme sont de complexion fort differentes, ainsi les vnes sont chaudes & humides, les autres chaudes & seiches, autres froides & humides, & les autres froides & seiches. Pource faut il sçauoir si l'action naturelle singulierement des froides & seiches (qui est la nutrition) procedé de chaleur ou de froideur qui sont les qualités principalement actiues d'entre les Elementaires. Je sçay qu'on met en auant^g que c'est la chaleur naturelle des parties qui cuit & assimile leur propre aliment en leur substance, & ne voyent pas que par consequent ils confessent du chaud en l'Os (qui se nourrit) & incontinent de l'humide, car la substance de la chaleur naturelle est^a telle aussi bien que du froid & du sec, & quand on le voudroit nyer: la raison & l'authorité le leur démonstrent: car

^d l. De natur. hum.
^e comment. in eundem
^f 6. de plac. Hi. & Plat. item. 1. de tuend. sanit.

^g Galen. De temper.

^g C. I. Paradoxe.

^a Gal. comment. 14. & 15. 1. Aphorif.

(dict le Gallien^b) *Os & Cartilago minorem calidi, & humidis portionem sunt sortita minoremque sicci coque eiusmodi sicca dicuntur.* D'ailleurs n'est il pas vray que toute partie est composée^c du chaud, du froid, du sec, & de l'humide, la mixtion desquelles qualités Elementaires constituent la nature vniuerselle d'un chacú corps, ainsi que l'excés d'une ou de deux de ces qualités, l'espece particuliere, & le temperamment d'iceluy. C'est pourquoy l'Os est dict froid & sec; La chair chaude & humide, & ainsi des autres parties. Que si on eust bien consideré tout cecy, on eust peut estre creu que le chaud & l'humide de l'Os meritoient d'estre aussi bien nourris en l'Os come le froid & le sec d'iceluy. Si ainsi donc est que la chaleur naturelle^d soit cause de l'action de toute partie, & qu'il y aye du chaud & de l'humide en l'Os pour ce faire ne dira on pas que la nutrition de l'Os se face par chaleur plustost que par froideur: (^e *frigiditas enim nulli functioni utilis est*) Et que la chaleur humide de la Moëlle procede autant ou plus de ceste cause efficiente sçauoir est la chaleur naturelle de l'Os: (^f *non enim tam sufficit materia, ad rei temperiem quam efficiens causa est enim illa potior*) que de la matiere Alimentaire d'iceluy fust-ce d'humeur melancholic (froid sec & terrestre comme on le qualifie) ce que toutesfois ie n'accorde. ^g *Nullus est namque succus qui potestate frigidus sit & siccus. Quarta enim coniugatio temperamentorum cum in reliquis omnibus habeatur in solis deficit succis.* Aussi est-ce vn metz trop inal plaissant, & de qualités trop contrai-

^b l. I. temperam. enor. & coment in l. hip. de na. human. ^c Hipocr. li. de nat. hu. Gal. comment. in eundé & de temperam. Fernel. l. 2. & 3. phy-siolog. & Ari. l. 4. metior.

^d Gal. comment. 1. 4. l. 1. aphorif.

^e Gal. l. 6. symptom. caus. c. 3 ^f Aristo. 4. meteor. ^g Gal. l. 2. facult. nat.

res a la matiere de la generation, & accretion
des Os. Et d'autant que nous auons a traiter la
nutrition des Os, & que (suyuant l'axiome
medical, & Chirurgical.) Toute partie est nourrie
de mesme qu'engendree laquelle maxime est
confirmee a l'endroit des Os spécialement ou il
est dit^h que *Tale augmentum & nutrimentum dant
Ossa qualia existunt.* Pource faut il premiere-
ment parler de la generatiō des Os que de leur
nourriture. Voyons doncques qu'elle est ceste
generation.

*Comment & dequoy s'engendrent
les Os.*



AVOIT que la Semence & le Sang
menstrual concurrent ensemble (cō-
me Principes communs de nostre ge-
neration) en la conformation des
parties du fœtus, ce n'est toutesfois en mes-
me temps ny de mesme force & vertu. Car la
Semence^b (en qui resident rontes ces facultes
souueraines, Naturelles à sçauoir Animale, &
Intellectuele que nous voyons reluire en l'hō-
me parfait) soudain qu'elle est receue & con-
ceue dans l'Vterus, se nourrit^c & vit en iceluy
ainsi que les plantes dedans la terre, attirant des
parties prochaines, ce qui luy est de propre &
familier en icelles pour ce faire: Et cependant
l'esprit Genitique, qui n'est oisif, ains comme
instrument de la faculté naturelle Procreatrice
premiere & principale agente en ce fait, sepa-
re & diuise les parties diuerses de ceste Semen-

^h Hippocr. l.
de na. puer.

^a Gal. l. 3.
de sanit. tu
& 6. de pla.
Hip. & Pl.

^b Plato
phædo Ari.
l. de ortu

Gal. l. de se-
mine Fernel
l. 5. phistol.
^c Gal. l. 2.
facult. nat.
Fernel l. 3.
physiolog.

celes vnes des autres, alterant & changeant chacune d'icelle en autre substance, qu'il reuest en mesme temps de nature, forme & figure conuenable aux vsages de la faculté animale pour qui principalement s'engendre & façonne ceste multiplicité & diuersité de parties qui sont non seulement en l'homme, mais aussi en tous les Animaux. Ainsi continuant ceste action il engendre finalement & conforme toutes les parties solides du fœtus, de la Semence seulement, & ce dedans les 36. ou 40. premiers iours de la Conception. Cela est confirmé par Fernel appuyé des autorités d'Hypocrate d'Aristote & du Galien ou il dict: *Sape obseruauimus 40. die eiectum fœtum vere ac profus conformatum & cuius partes omnes excepto iecore albae ac spermaticae erant.* Si ainsi est, les Os qui tiennent le premier lieu (nō de dignité mais de nature) entre les parties solides ne seront il dōc pas faits de la Semence? au moins est-ce l'opiniō d'Aristote: *Ossa (inquit) in prima constitutione gignuntur ex seminis excremento.* Je croy qu'il vse en cest endroit du mot d'excrement, n'ayant esgard a la nature vniuerselle, (pourtant qu'elle est partie de cest excrement du dernier aliment) mais d'autant qu'elle est grasse & qu'elle est employee principalement en la generation des Os: autrement il se contrediroit, ayant mis la gresse entre les excremens. Et pour preuue qu'il y aye de la gresse en la Semence: Voicy ce que dict Hypocrate: *In homine ab humido spumescente id quod robustissimum est ac pinguisimum sacernitur semen nimirum.* Mais voicy comment ceste par-

*d l. 7. phy-
siolog. hip. l.
de nat. pue.
arist. l. de or-
tu Gal. l. de
semine &
comment. l.
hip. de nat.
human.
Gninter.
schol. in l.
hi. d. n. hu.
e l. de ortu.*

L. d. Genit.

tie grasse sert principalement a la generation
 des Os. Platon ^b dict que l'Os n'est autre chose
 que la Mouelle figee par chaleur. Et l'hipocra-
 te ^c parlât plus ouuertement de cecy dict ce qui
 s'ensuit. *Vbi pinguis plusquam glutinosi erat in se-
 mine. Ossa facta sunt. Vbi vero non inerat glutinosi
 verum pinguis. Et frigidi multum Ossa durissima
 extiterunt, ubi autem pingue & glutinosum similia
 fuere, hac ossa antrosa & cavernosa sunt.* Ce sont
 les termes & parolles de l'auteur traduit en
 Latin, par lesquelles nous sommes enseignés
 que de la partie plus grasse & visqueuse de la Se-
 mence sont engendrez les Os du fœtus au ven-
 tre de la mere par chaleur (*Et continet enim in se se-
 men fecunditatis sua causam nempe ipsum calorem*)
 ou bien comme dict Platon: *ustionibus. Et re-
 frigerationibus alternis*: D'où nous pouuons en-
 cores apprehendre qu'il y a du chaud aussi bien
 que du froid en l'Os. Or apres que les Os sont
 de telle Semence engendrez, il faut qu'ils croif-
 sent, & pour croistre ^c qu'ils se nourrissent dans
 l'Vterus tout le temps qu'il y demeure pour ac-
 quierir l'entiere & parfaicte conformation de
 toutes ses parties, qu'il obtient naturellement
 & ordinairement dedans neuf mois. Je deman-
 derois volontiers, s'il se trouue en ce tēps la be-
 aucoup d'humeur melancholic (tel que l'on
 dict) aux venes du Fœtus pour donner croif-
 sance & nourriture aux Os, & Cartilages qui
 sont en luy. S'il est vray que tout humeur me-
 lancholic s'engendre de cause immoderee
 (comme dict Galien) ^f il n'y en peut auoir de
 la part de la chaleur comme cause efficiente, ny

^b In Tim.

^c de. carni.

^a Arist. l.
de ortu

^e Gal. l. i.
Et. i. facul.
natura.

^f l. De a-
tra bile &
semperam.

de la part du sang comme cause materielle : car la chaleur du Fœtus est tres-temperée & humide, & le sang qu'il tire est la plus douce & temperée partie du sang non seulement menstruel mais aussi de celui de la mere qui est en outre cuit & espuré au foye d'iceluy, pour estre par ce moyen rendu plus apte a nourrir toutes ses parties : Et par ainsi il n'y aura poinct d'humour melancholic dedans le sang du Fœtus. Dequoy doncques seront nourris les Os d'iceluy ? de rien ? non pas non ^b *omne enim quod augetur capiat alimentum necesse est.* Or ay-ie cy deuant dict *quæ iisdem nutrimur quibus constamus.* Et nous auons dict cy dessus qu'ils sont engendrés de Semence non pas d'humour melancholic. Pour ce faut il voir comment ils tirent leur accroissement de mesme & semblable matiere que leur generation.

^a *Hi. l. d. n. pueri de loc. in hom.*

Gal. l. de opt. corp.

cōst. comment. in l. hip. de nat. humana.

Gal. l. i. & 2. facul. na.

Arist. l. d. long. vit. Et breuit. vita

Gal. l. i. & 2. facul. na.

Gal. l. i. & 2. facul. na.

Gal. l. i. & 2. facul. na.

Comment & dequoy croissent les Os.



Voix que la faculté Auëtrice traueille en l'accroissement des Os du Fœtus tout le temps qu'il est au ventre de la mere. C'en est toutesfois que sous l'authorité de la faculté Procreatrice, ^a laquelle preside principalement & traueille tout le temps de la grossesse a la conformation totale des parties d'iceluy. Mais si tost que l'enfant est né, ceste faculté Auëtrice vse lors de son pouuoir souuerain, traueillant incessamment a l'accroissement parfait des parties

Gal. l. i.

facult. nat.

Fernel. l. 4.

physiolog.

solides, spécialement des Os, qu'elle ne quitte & n'abandonne iusques a tant qu'ils ayent acquis leur solidite, grandeur, & force naturelle & necessaire a chacune d'icelles, pour seruir a la faculté animale (comme dict est). I'ay tantost soustenu de l'authorité d'Hipocrate ^b Que la matiere de la faculté Auçtrice estoit semblable a celle de la Procreatrice, laquelle opinion est confirmee de l'authorité du Galien que voycy ^c *Differt accretio a generatione hoc uno, quod in illa primo formantur membra, in hac vero non primo sed illis qua iam formata sunt similis omnino substantia fit accessio.* Surquoy ie conclus & dis que *Posita una & eadem materia generationis & accretionis*, ce ne sera d'humeur melancholic que croïstront les Os. ains d'un sang blanchy gras visqueux & semblable a la Semence. C'est ce que semble tesmoigner Galien disant. *Quo pacto (inquit) ex sanguine Os fiet nisi is prius crassetur plurimum & dealbetur?* Ouy, mais (peut on dire) voila Galien qui semble tesmoigner que le sang soit la matiere de laquelle croïssent les Os. Cela est vray, comme aussi toute autre partie, mais non premierement & de soy, ny si tost aux Os qu'aux autres parties, encore moins d'humeur melancholic Car (dict l'Hipocrate ^e *Qui crescunt plurimum habent calidi innati*: mais ceste chaleur naturelle est tres-temperée, ^f & non immoderee (qui est la cause de tout humeur melancholic comme nous auons cy deuant dict) Et partant ne pourra auoir d'humeur melancholic en ceux qui eroïssent, puis que la cause efficiente d'iceluy n'est pas en iceux. C'est

^b l. de nat. pueri.

^c l. 2. de facult. nat. & vales de controu. med. l. 2. c. 8.

^d l. 1. facult. natura.

^e Aph. 14.

^f Gal. comment. ibid.

& Fernel. l.

11. & 3.

physio.

ce que semble confirmer l'autorité suyuant
 de Galien & *Pueruli inquit quoties ad atatem perue-*
nerint adolescentium, meliorem nacti vita tenorem,
sanguis in illis redundat solus. D'auantage, quand
 le mot de sang est simplement vsurpe en quel-
 que discours il se doit entendre en l'vne de ces
 deux manieres, ou pour la plus benigne partie
 des 4 substance premieres, engendree du chil
 au foye pour la nourriture de tout le corps (qui
 ne se trouue separee des autres trois) ou pour
 le sang compose des 4. substances. Mais quand
 ie me remets deuant les yeux la matiere de la Se-
 mence en foy (qui est l'excrement du propre &
 dernier Aliment des parties, & par consequent
 la plus pure & temperee partie du sang,) ie crois
 assurement que le sang qui est employe en la
 croissance des Os est de substance & de qua-
 lites louable & mediocre. Car s'il estoit natu-
 rellement cras, terrestre, & melancholic pour
 neant auroit dict Galien, qu'il faut que le sang
 pour deuenir Os s'espaisisse & blanchisse fort
 auparauant: a quoy si nous ioignons la sentece
 de Galien par nous cy deuant ja rapportee du
 second des facultes naturelles: ie ne voy point
 que l'humeur melancholic puisse beaucoup
 profiter au gouuernement du corps humain.
 Mais voicy comment ce sang (que nous venos
 de dire) de genere en Os. Tout ainsi que la fa-
 culte Procreatrice fait & engendre les Os de
 Semence (qui sont de nature fort dissemblable)
 par le moye de la faculte Alteratrice & Forma-
 trice. de mesme l'Auctrice augmente la sub-
 stance solide des Os (du sang qui leur est pro-

83. Progn.
 comment,

pre & familier par le moyen de l'Alteratrice & Assimilatrice. Or le propre de toute faculté Alteratrice est de changer la substance & qualités d'une chose en autre. Ainsi la faculté Alteratrice de l'Os^h change elle la substance fluide & humide non l'aérée (car elle sert a nourrir l'Os comme tantost nous dirons) mais l'aqueuse, la rougeur & autres qualités du sang, en vne substance grasse, blanche, & visqueuse (semblable a la semence) laquelle en apres est conuertie & assimilée par la faculté Assimilatrice en la substance du mesme Os. Voulez vous sçauoir comment cela se fait *mutatio omnis a contrario in contrarium fit ex qualitatum vicissitudine* (Voicy la cause de la diuersité de mouelle qui se trouue en vn mesme Os) Ainsi aduient il, que ce sang qui est de si contraires qualités (sçauoir est accidentaires) a celle de l'Os, pour estre fait Os, doit necessairement passer par beaucoup de qualités moyennes. Et pour ce (dict le mesme Galien) *ut sanguis os fiat, longo tempore atque multa mutatione opus est, si quidem istud fieri non potest, nisi sensim ruborem amittat plurimumque crassetur & dealbetur*. Et la cause de ce changement est la chaleur naturelle de l'Os (comme cause vniuerselle & principale de toute alteration & action naturelle) & vne secrette vertu qui est en l'Os des sa conformation, & qui procedé d'une speciale & inconnue mixtion du chaud du froid, du sec, & de l'humide, (*quam ignoramus inquit Galenus*) *Et Alteratrices illae facultates tot membratim sunt in omni animali, quot in eo sunt Elementares seu similes particulae*. Duquel dis-

Gal. l. 1. facult. nat. Fernel. l. 3. physiolog. vales. de centr. med.

Gal. comment. in l. Hip. de nat. humana.

l. 1. facult. natura.

cours l'on peut recueillir que la substance solide de l'Os croist & s'augmente iusques a vne certaine & limitee force & grandeur naturelle, par le moyé de la faculté Auêtrice comme cause principale & de l'Assimilatrice & Alteratrice cōme aydes d'icelle: Et ce d'un sang blanchy gras & visqueux non pès d'humeur melancholic comme vous dictes. Voyons donc maintenant si la Mouelle nourrit les Os & comment.

Comment la Mouelle peut nourrir les Os.

A Pres que toutes les parties solides & specialement les Os en qui se termine l'action principale de la faculté Auêtrice ont acquis leur naturelle force & grandeur: la faculté Altrice, qui auparavant n'estoit que coadutrice de l'Auêtrice & procreatrice, s'empare lors entierement du gouvernement du corps humain qu'elle seule regit & gouverne tout le reste du tēps qu'il iouit du doux fruiet de la vie, subministrāt & fournissant cōtinuellement les alimens, conuenables à toutes les parties d'iceluy. Pour ce faire sont par elle establies certaines parties douces de vertu non seulement speciales & particulieres pour leur cōseruation (car chascune partie a pouoir de soy nourrir) mais d'une autre vertu en outre, & icelle cōmune & necessaire a la cōseruation des autres. Ainsi elle a cōstitué au ventricule comme vn feu naturel (& special neantmoins) pour cuire & alterer les Alimens que nous beuons & mangeons, en vne substance

Gal. l. 1. 2.
& 3. facult.
nat. Fernel.
l. 4. phisio.
vales. de
cont. medic.
l. 1. 2. & 4.

^a Galenus
l. 1. d. semi.
& alibi pas
sim.

alimentaire plus approchante de la perfection requise a l'Aliment propre d'une chacune partie, que n'estoit la premierematiere d'icelle. Ceste substance nouvelle dicte des Grecs ^{χρῆμα} est le premier des Alimens remarqués par Hippocrate, ^b Galien & autres, ^d & denommé par eux mesmes: *Alimentum futurum vel nutritivum*. Ce Chil ou futur Aliment, quoy que par fait en sa nature & neantmoins inepté a nourrir aucune partie, (sinon de la plus halitueuse le ventricule ^e qui est en outre nourry du sang a luy communiqué du foye par les rameaux de la veine porte) apres estre espuré de ses excremens, est conduit par les mesaraiques au foye, ou il reçoit vn autre changement nouveau y degenerant en sang. Or ce sang espuré qu'il est de ses excremens, sert premierement a nourrir le foye, & le reste qui est la plus grande partie d'iceluy, est rejeté hors dudit foye comme excrement, & ce pendant conduit par les venes en toutes les parties comme vne tresconuenable pasture pour les nourrir mais speciallement les charneuses. C'est pourquoy l'hipocrate ^f & Galien ^g l'appellent *Alimentum quasi nutriendum*. Aussi est il tel aux parties charneuses ^h que la Mouelle aux Os: Ce n'est pourtant a dire (quoy que le vucille Aristote) que le sang soit le dernier Aliment: car premier que d'estre assimilé en chair il faut qu'il s'espaisisse (car tout Aliment s'espaisit par coction de laquelle l'assimilation est vne espece) puis, qu'il adhere & s'vnisse a la chair: & pour dire en somme qu'il degeneré & passe premierement en autres sub-

^b l. alimen-
to.

^c Gal. l. 2.
facult. nat

^d Grom.
commēt. in.

Hip: oro. d.
alimento,

^e Gal. l. 2.
facult. nat.

Fernel. l. 4.
physiol. &

^f *viræus de*
contr. med.

^g l. d. ali-
mento.

^h l. 2. facult.
nat. 4. de

sanit. tu
comment.

39. l. 3. aph.

ⁱ Galenus
l. 3. facult.

nat. 4.

stances, qui sont a sçauoir les humidités se-
côdes, dites innominee *Ros, cambium, & gluten,*
qui est l'effect de la 3. coction dict assimilation.
Mais telle assimilation & changement du sang
a sçauoir en la chair est facile, car le sang qui est
l'Aliment & la chair qui se nourrit d'iceluy
sont de nature & de qualités semblables: Et
pource dict Galien ⁱ *nō magno fit istud negocio.* I'ay ⁱ *l. 3. facul.*
cy deuant dict que le sang estoit conduit par ^{natura.}
les venes en toutes les parties pour les nourrir
& non pas qu'il les nourrisse immediatement
Sanguis enim qui a iecore proficiscitur in alimentum & Galenus
omnibus corporis partibus preparatus est, puis di- ^{6. de placit.}
sent Galien ⁱ & Aristote ^m *vena, nerui, arteria de-* & Fernel ⁶
nisque tunica omnes, non rubrum (qui est le sang) ^{phissolog.}
sed viscosum & candidum humorem procreant, eo que ^{1. de placit.}
aluntur ex quo nimirum procreata sunt, Or tel ^{hip. & pla.}
sang ne se fait au foye, ny ne se trouue dans les ^{m l. 1. d. par.}
venes. Pour neant donc Aristote ⁿ auoit sou-
stenu que le sang est le dernier Aliment. Ce ^{n l. de ortu}
sang estât parueniu en quelque partie dissimilai-
re; vne chacune similaire d'icelle (fauorisee de ^{& 2. de}
la faculté Altrice & des autres ses seruantes, qui ^{part. anim.}
sont la tractrice, la retentric, la concoctrice, &
l'expultrice) tire a soy l'Aliment qui luy con-
uient pour se nourrir: & comme familier le re-
tient tant & si longuement qu'il conuient de
temps pour le cuire & assimiler en soy ce qui
est d'utile en cest aliment, chassant par la faculté
expultrice hors de soy ce qui est d'excrement
& d'ingrat en cest alimēt. Si ainsi est donc que
la tractrice soit destinee a chacune partie pour
tirer son propre Aliment. *Ossa trahentia a car-*

nibus quod in sanguine est pinguisimum ut ait,
 Hipocrates, ° n'est ce point pour s'en nour-
 rir. Ouy mais crye on, commēt la Moüelle qui
 est chaude & humide, nourrira elle l'Os qui est
 froid & sec? P'ay aucunemēt satisfaiēt ace poinēt
 mais il faut adiouster le surplus, aussi est-ce
 vne des parties de la medecine & consequem-
 ment de la Chirurgie. Pource ie dis que si
 les alimens & specialement le propre d'vne
 chascunē partie est ordonné pour restablie ce
 qui se resout de la substāce d'icelle (*Alimentum
 enim respondet alio resoluto, vel reparando, ait
 Auega*). Que la Moüelle qui est grasse & vis-
 queuse, chaude & humide & de qualités sem-
 blable à la semēce de laquelle sont faiēts les Os
 est vn aliment tres-propre à reparer ce qui se re-
 sout & dissipe continuellement de la substance
 des Os. Car ie ne pense point qu'un homme
 bien sensé puisse croire qu'il se dissipe de la sub-
 stance froide & seche de l'Os: car au contraire,
 (comme vous poués voir non seulement du
 discours precedent, mais aussi par le flambeau
 de raison:) c'est la seule qui croist depuis la cō-
 formation iusques à l'age parfaict, & qui du
 depuis ne perit ny ne diminue aucunement. Il
 faut donc conclure qu'il ny à que la substance
 spiritueuse (qui avec la solide constitue la natu-
 re de l'Os) qui souffre perte continuelle en l'Os
 & qui par consequent necessite seule, vn Ali-
 mēt a elle semblable, & pour laquelle travaille
 incessamment la faculté Altrice d'iceluy. Et pour
 mieux faire voir que les Os tirant ce qui est de
 gras dedans le sang, ne choisissent point mal

l'Os que la substance spiritueuse d'iceluy qui est de nature & qualité tressemblable à la Moüelle, & tresabondante aux Os comme il se peut voir. qui ne confessera que la Moüelle est le prochain & dernier aliment de l'Os plustost que l'humeur melancholic qui est de substance et qualites si contraire à ceste substance spiritueuse? *Atqui fieri non potest ut assimilētur inter se vlla nisi societatem cognationem que aliquam in qualitibus habeant* Et partant ie conclus avec tous les Autheurs que la Moüelle & le suc mouelleux sont le prochain & dernier Aliment des Os. Et pour le regard des opinions & exceptions ce cōtraires nous y allons tout maintenāt respondre & satisfaire Dieu aydant.

Sur le premier chapitre du Paradoxe

PARADOXE.

IL est manifeste (ce dites vous) que plus aisement & avec plus de proportion se fera ce change lors que la chose qui doit nourrir, est semblable à la nature de qui la recoit.

RESPONSE.

Ela est vray. Mais ou est ce simbole & conformite de nature entre l'humeur melancholic (qui est de substance humide, de nature fluide, de couleur noire & ainsi des autres qualités) & l'Os (qui est de substance dure seche compacte & serrée, & de couleur blanc?

Ne voyés vous point avec moy en voz parolles, vne tres-grande repugnance, & contrarieté de nature entre ces deux substâces? Or auons nous dict^a que toute mutation qui se faiçt d'vn ^{*a Au. 3. chapitre.*} contraire en l'autre ne se faiçt qu'en long téps, & ainsi difficilement. Et si auons prouué en outre ceste difficulté de mutation & changement de l'Aliment de l'Os, en la substance solide d'iceluy. Et partant ceste verité ne peut seruir en cest endroit a vostre intention. Baste pour la nutrition des parties Charnues. Car dict Galien sur l'Aphorisme d'Hipocrate^b qui ^{*b comment. 11. du 2. li.*} porte ces mots *Facilius est impleri potu quam cibus*. Et ailleurs^c que la substance humide des Alimens est promptement & facilement employée en la substance des parties charnues & spiritueuse (qui seules souffrent perte continuelle au corps humain) & principalement aux enfans qui sont en outre de nature humide, a raison de ceste similitude & conformité de nature que vous dittes deuoir estre entre l'Alimēt & la chose nourrie pour faciliter ce change. C'est ce que j'ay cy deuant dict parlant de l'assimilation qui se faiçt du sang en la chair: ou j'ay demonstré que le sang passoit facilement en la substance d'icelle a cause de la conformité de substance & de qualités qui est entre l'Aliment & la chose nourrie: car l'vn & l'aurre sont chaudes & humides de complexion, de substance, & de couleur semblables.

^{*c comment. 18. du 2. li. & l. de art.*}

PARADOXE.

Les Os pour estre de temperature froide, de substance dure, compacte & serree & qui ont en outre, peu ou point de mouuement, vne petite quantité d'Aliment leur suffit.

RESPONSE

^d Aph. 14.
lin. 1.

^e comment.
12. & 15.
liur. 1.

^f Hip. 1. de
Alimento
Arist. 1. de
longit. vite
& de sensu
& sensili.
Gal. 1. tem-
peram.

^f Galen.
16. d. symp.
causis.

SI vous cheminiés sous le drapeau d'Hipocrate, vous n'eussiez (vous conformant à la pureté de sa doctrine) dict cela si crument & sans distinction. *Qui crescunt enim (inquit Hipocrates) plurimum habent calidi innati & ideo pluribus fomitibus egent præsertim qui inter ipsos sunt viuidiore, alioquin eorum corpus absimitur.* La raison de ce est, (dict Galien) ^e que ceux qui croissent ont besoin d'Aliment non seulement pour viure mais aussi pour croistre, & ceux qui sont prompts, ioyeux, & remuants, en ont plus de besoin que ceux qui sont mornes, couards, & arrestés. Or les Alimens & la quantité d'iceux, ^f ne seruent pas seulement pour croistre & se nourrir, mais aussi pour empescher la trop soudaine siccité & refrigeration des parties. *Et idcirco humidum primigenium (inquit Aristoteles) quo fouetur calor, pingue fuit.* Mais les Os qui sont de complexion Elementaire les plus froides & les plus seiches parties de nostre corps pour la necessité de leur vsage (*& siccitas enim ad robur*)

PARADOXE.

firmitudinem valde confert) & qui par le mouuement actif, rude, & frequent des muscles, auquel les Os succedent, & pource s'eschauffent où peuuent eschauffer facilement (ainsi que tous corps secs par frequens mouuemens & mutuelle collision) & ainsi se refroidir & desfeicher plus soudainement par la consommation de leur humidité naturelle & radicale: la nature n'est elle pas tresiuste & tressage, d'auoir ordonné & distribué aux Os, vn tel & si propre Aliment que la Moüelle ? pour (en nourrissant l'Os) s'opposer au chaud estranger, au froid & au sec principalement, qui sont les cruels & mortels ennemis de nostrevie. Et tout ainsi que d'entre les enfans ceux qui remuent le plus sont ceux la qui ont plus besoin d'Aliment copieux que les autres: ainsi void on plus de Moüelle es Os des parties qui ont le plus de mouuement (comme sont ceux des bras, des iambes, & de la maxille inferieure) qu'aux autres. Mais (dites vous) cela est l'vn des vsages de la Moüelle. Je vous demande, seroit ce pas chose inique d'oster l'heritage du fils pour le donner a l'estranger ? Et c'est ce que vous faites en attribuant ces vsages a la Moüelle comme Excrement & non pas comme Aliment de l'Os comme elle est.

PARADOXE.



Ature n'a donné aux Os que des venes fort petites pource qu'une petite quantité d'Aliment estoit suffisante pour restaurer ce qui se dissipe inces-

samment de leur substance.

RESPONSE.

*h l. de ossiū
natura &
de locis in
homine. c.*



l. 9. l. 13. de
 E croiray en cecy (comme en toute
 autre chose) plustost l'Hipocrate: le-
 quel nous faisant leçon dict^h qu'un
 insigne vaisseau de la crurale se jette dans les
 Os de la iambe pour faire la Moüelle: Ainsi est
 il de l'axillaire dedans les Os du bras. Et dedas
 la maxille inferieure vn autre assés notable y
 entre avec l'artere & le nerf: mais dedans le
 crane il n'y en manque point, comme l'on
 peut sçauoir non seulement des escripts Ana-
 tomiques mais aussi par l'autopsie & science
 oculaire. Je sçay bien que vous cites Galien
 en cest endroit: mais aussi deuez vous consi-
 derer, que l'auteur parle en ce chapitre de
 deux parties, du Poulmon asçauoir & del'Os,
 qui sont entierement contraires & dissembla-
 bles entre elles, non seulement de nature,
 mais aussi de substance, d'action, d'usage, de
 grandeur, & de qualités autres en somme. Et
 partant il faut croire, que les venes qui sont
 communiquées aux Os pour grandés qu'elles
 soient, sont petites comparatiuement & a l'es-
 gard de celles du Poulmon. Et pour preuue
 plus grande de mon dire. Je ne veux que vos
 parolles pour montrer que vostre opiniō n'est
 contraire a ceste explication: car quand vous
 dictes^k Que la Moüelle est excrement de l'Os
 ne confessés vous pas sans y penser, que les Os
 qui sont fort Moüilleux, sont tres-bien nour-
 ris, car la grande quantité d'excrement d'une

*c. 14. l. 16.
de usu. par.*

k du Pa d.

chascune partie presuppofe abondance d'Aliment en icelle (finon la, où la chaleur naturelle est viciee) fuiuant la maxime de Philosophie qui dict, que l'effect est tousiours proportionnez la caufe.

Sur le deusiesme Chapitre.

PARADOXE.

Toutte partie (dittes vous par authorité) est ou doit estre nourrie, d'un Aliment propre & a soy semblable.

RESPONSE.

Ela est. vray : mais ie dy que ce mot de séblable se doit prédre en la signification totale & vniuerselle non pas speciale & particuliere. Car (comme il appert du discours suiuant) vous ne voulés nourrir qu'une partie de l'Os qui est, la froide & la seche, & ainsi vous laissés la chaude & l'humide sans pasture aucune, qui est celle qui en a le plus besoin, & pour qui principalement, traueille la faculté Altrice de l'Os, comme l'Auëtrice, pour l'autre. Et d'autant que ie pense auoir ja suffisamment satisfait a ce point, ie viens a ce qui suit.

PARADOXE.

Ainsi le nourrissément idoine des Os sera le plus grossier & le plus terrestre des nutrimens.

RESPONSE.

MAis le Galien ne parle point en ce passage que cest Alimēt soit froid, sec & melancholic, & qu'il n'ya que le froid & le sec de l'Os qui se nourisset, & s'il failloit adiouter (ce que nous auōs cy deuant faict) cōmēt se faict le changement & mutatiō de cest Alimēt en l'Os pour biē entēdre la verité de ce point.

PARADOXE.

ARaison dequoy quelqu'un a dit que tout ainsi que les pierres sont les Os de la terre, de mesme que les Os estoient la terre de l'homme.

RESPONSE.

Ceste cōparaisō me semble fort esloignee du sens & de la raison: *Nulla enim comparatio inter dissimilia* disent les Philosophes, Quelle comparaison ie vous prie y a il entre vne partie animee, cōme les Os, & inanimee, cōme la pierre? celle cy ne vit n'y n'a aucun sentiment, mais l'Os vit, croist, se nourrit, & a sētiment, parle moyē du nerf qui s'insere en sa substance (cōme vous mesmes le confessés) ou biē (cōme veut la cōmune opinio.) par le moyē du Periooste qui reuest l'Os & le touche immediatemēt. Ie sçay bien que vous obiectés que les nerfs trauercent l'Os nō pour luy dōner sentimēt, mais pour dōner vne robe à la Mouielle (peut estre de peur que le froid de l'Os ne l'offence.) quād a moyie pèse qu'il y a plus de raisō a croire que ces nerfs sont pour le sentiment de l'Os que pour l'autre:

car ne pourront ils pas trauerfant la substâce de l'Os luy communiquer en passant, le sentimēt qui leur est requis, plustost que le Perioste qui ne touche que leur surface? Et puis ce n'est qu'une nouvelle opinion qui resonne çela. Et pourtant ayme-je mieux me gouverner & me tenir a la vieille mode qu'a ceste nouveauté: *Est enim mala opinio at est homini longe optimus usus.* Et pour le regard de la contrarietē & dissimilitude que vous proposés estre entre la Mouëlle & l'Os, ie n'y trouue non plus de goust, qu'a la cōparaisō des pierres aux Os: car qu'elle similitude & proportion y a il entre la Semence & l'Os qui est fait d'icelle, & toutes les parties spermatiques? Ie sçay que l'on pourra dire que ce changemēt est l'effect de la faculté Pro creatrice & de l'esprit Genitique comme instrumēt d'icelle: confessant le mesme, ie soustien que la Mouelle qui se change en Os est l'effect de la faculté Altrice & de l'esprit naturel cōme instrument d'icelle, qui n'ont moindre pouuoir de faire cecy que l'autre cela: aussi ne different ces facultés d'essence & de puissance, mais d'action tant seulement. *Neque enim (inquit Galenus) aliud quicquā ab initio Animal affirmavit, sicuti neque rursus adauxit, aut ad mortē usque nutritiū praterquā innatus calor. hic est namque omnium operum naturalium causa* ^{a comment. 15. l. 1. Aphorism.}

PARADOXF.

A Pres vous persistes, Que la Mouelle est aëree grassē & onctueuse, & que tout Aliment doit auoir de la terrestreité en soy. Ce qui n'est pas en la Mouelle.

RESPONSE.

LA Mouëlle est telle que vous dittes, mais elle n'a pas tant de terre estreite en soy que de l'autre substance: car tout Aliment doit estre de qualités semblable a la substance qui se dissipe de la partie qu'il doit nourrir: mais nous auons prouué qu'il ne se resout rien du terrestre & solide de l'Os (sinon qu'on voulist mettre l'humidité radicale pour substance solide comme a fait vn fameux medecin^b de ceste Vniuersité d'autant qu'elle est l'vne des parties solides): mais bien & beaucoup de la substance spiritucuse d'iceluy qui est de qualités seblable a la Mouëlle: Et ainsi ie dis que la Mouëlle est vn Aliment trespropre a reparer ce qui se resout de l'Os. Pour le regard des facultés & qualités de la Mouëlle que vous proposés à la fin de chapitre, encores que cela soit hors de propos & de nostre subiect, Ie diray neantmoins en passant que la Mouëlle retient & emprunte ses qualités de l'Animal dont elle procede. Ainsi, l'vne est temperee comme celle de l'homme, l'autre chaude & humide comme celle de Mouton, & du veau, & les autres chaudes & seiches plus ou moins, cōme sont celles que l'Aristote^c appellee Sauosas, qui se trouuent au Animaux cornigeres cōme du Bœuf, du Belier, du Cerf, & ainsi des autres.

Sur le quatriesme chapitre.

PARADOXE.

Comme tous les Os de nostre corps sont en general de mesme nature, ils doiuent

p *Acacia*
comment. l.
de arte.

9 *Ch. 6. l. 2*
de parte
animal.

aussi semblablement auoir pareille nourriture.

RESPONSE.

AVSSI ont ils : car la Moüelle & le suc Mouelleux font ils pas de semblable nature? mais comme auez peu voir au discours precedent, il y a quelque difference de nature entre les Os d'un mesme hôme : & ceste difference procede de l'inegalité des parties de la Semence de laquelle sont faicts les Os, qui a esté cy dessus explicquée. Et le tout neâtmoins dispense selon la necessité & diuersité des vsages d'un chactü Os. Ainsi d'entre les Os, les vns sont plus durs plus secs & consequemment plus chauds de chaleur fixe.

Ossa enim duriora cauantur a spiritu & a calore sunt conglutinata (ait Hipocrates) ^a & pource la Moüelle contenue és Os caues est plus seiche & pl^o grasse (pource qu'elle est plus cuitte) & celle qui est és Os moins chauds, plus molle. Ceste difference de nature (non essentielle pourtât mais accidetaire entât qu'elle n'est que du plus & du moins) a esté fort bien reconnue du Galien ^b Syluius ^c & autres ^d mais plus particulièrement du Galien quand il dict

Quoniam vniuersorum animalium alijs magis alijs minus sicca sūt Ossa hinc quoque Os aliquod in aliquo animalium genere intelligendū est quod media sit temperie, verbi gratia hominis: atque huic collata alia humida, alia sicca appellanda. Item in ipsis hominibus aliud siccum aliud humidum appellatur utique ei qui medius est, ut in hominibus collatus. D'où vo^o poués voir ceste difference de nature que nous disons estre entre les Os. Et partant n'est-ce

^a l. de nat. pueri.

^b l. de ossib. ad Tyr.

^c comment.

^d in l. Gal. de ossibus.

^e Sequin. in son osteolo.

^f l. i. temp.

de merueilles si l'Aliment de l'un differe, (non pas de substance, mais de qualités accidentaires) de l'Aliment de l'autre. Comme les vns sont Moüelleux, & les autres seulement remplis de suc Moüelleux. Pour neant donc, demandés vous dequoy seront nourris les Os qui n'ont point de Moüelle, mais seulement du suc Moüelleux. Car il est de nature semblable ala Moüelle ne different d'icelle que de qualités accidentaires, non pas substantielles. Et pourtant sert il aux Os qui en sont abbrevués, cômela Moüelle aux autres qui ont leur cauités remplis d'icelle.

PARADOXE.

RE replique que le nutriment doit estre proportionne en quantité a la grandeur du corps qui doit estre nourri (& ce qui s'ésuit)

RESPONSE.

l' Au. 5. ch.

L'Ay cy deuant satisfaiçt a ceste replique parlât des vtilités de l'Aliment, sous l'authorité d'hipocrate, d'Aristote, & autres cottes en marge ensemble par la suite du discours: toutesfois vos parolles mesmes me seruirôt en outre a cest effect, & principalement contre ce que vous dittes, que ces petits Osselets du Metacarpe & du Metatarse sont plus pleins de Moüelle que les Omoplates, ny l'Os barré qui sont de beaucoup pl^rgrâds. N'auiezvous pas dict auparauant qu'és Os, pour leur dureté froideur siccite, & le peu ou point de mouuement qu'ils ont, peu de nourriture leur suffit. Pour ce n'y a il raison de demander vne quantité d'A-

liment és Omoplastes, en l'Os sacré, és Os petreux & occipital qui sont les plus durs & plus secs Os de tout le corps (hors mis les Dens) & qui n'ôt point en outre de mouuement, sinon les Omoplastes, encor est il tres-leger: & ainsi ce peu de suc Alimétaire qu'ils ont est suffisât pour les nourrir selon vous mesme. La mesme responce peut seruir a ce que vous demandés touchant les Os Incus, Malleolus, & Stapes, lesquels estant fort petis, tres-durs, & secs, n'ont pour ce besoin de grande nourriture. Mais demandés vous ou est la Moüelle ou le suc Moüelleux qui les nourrit? Et moy ie vous demâde ou est la vene & l'artere qu'ils ont pour ce faire? Ie ne me contente pas de cela. Scaués vous point que ceste substâce spiritueuse qui se nourrit és Os (qui ne peut estre abondante en ceux cy (se nourrit *halitus specie*, comme disent les Latins? Outre ce toute partie vraye (comme sont ces Os,) n'a elle pas pouuoir de tirer l'Aliment qui luy conuient pour se nourrir? Or n'en faut il guere a ces Os cy: Et pource faut il croire, qu'un Aliment halitueux peut suffire a les nourrir a faute de mouelles' ils n'en ont.

PARADOXE.

Vous demandez en apres ou est la Moüelle ou le suc Moüelleux de l'Os Ethmoide, &c.

RESPONSE.

Est chose qui se peut monstrer, car les espaces moyennes d'entre les trous de cest Os sont autant farcies de suc

Moielleux qu'il en faut pour le nourrir Mais ie ne puis passer sous silence, ce que vous proposez ironiquement disant.

PARADOXE.

Quel meslange & brouillement seroit ce, qu'vn Excrement morueux fust pelse-melle avec vn Aliment,

RESPONSE

E meslange la imaginaire ne peut estre, pour raison de ce que ie viens tout maintenant de dire touchant le lieu particulier de l'Aliment Moielleux; en cest Os. Et quand ainsi seroit, a quoy la faculté Expultrice des parties, sinon pour sequestrer le pur de l'impur & l'Aliment de l'Excrement? rejetant celuy cy comme estranger & retenant celuy la comme son familier, & plus priué amy, Puis le meslange en seroit il plus estrange que du Sang, & de la Morue, si le Sang nourrissoit cest Os? dauantage, l'Os Ethmoïde est il de meilleure maison que les Reins, & la Ratte qui recoiuet (chascune en son particulier) la pluspart des Ordures & Excremens de la sanguification (beaucoup plus estranges que n'est la Morue) meslés & confus avec leur propre Aliment. Outre cele Chil, n'est il pas confus & meslé avec son Excrement dans les Intestins gressés & quelques vns des Gros? On ne trouue pas cela estrange, ceux la principalement qui sca-

uent par admiration considerer les vertus singulieres de la Nature nommement au gouvernement de l'homme. Car le Sang n'est il pas le plus souuent mesle de pus, dedans les venes, au Poulmon, & pour dire en somme en chascune partie le propre Aliment d'icelles n'est il pas confus avec la matiere Apostemeuse qu'ad elles sont trauaillées de Playe, d'Ulceres, ou d'Exiture? De dire que pendant ce temps, la partie Affligé ne se nourrisse point, ce seroit chose absurde, car rien ne peut subsister en vie sans se nourrir. puis qu'ainsi est donc, quel'Os Ethmoide soit doié de faculté Expultrice (côme toute autre partie) pourquoy ne pourroit il pas avec icelle separer la Morue de son Aliment aussi bien que les susdittes & autres semblablement quand ainsi seroit que ce meslange de Morue & de moielle se pourroit demonstrier en icelny? Mais il est plus vray semblable qu'entreces espaces moyénes y a lieu suffisant pour contenir & receuoir la pasture de cest Os, & ainsi laisser libres les trous d'iceluy pour les vsages par vous raportés du commú aduis de tous les Anatomistes.

Et pour le regard des Apophises Mastoides que vous dittes estre sans moielle, ie ne trouue point cela, mais bien, qu'elles sont moins fournies de suc Moïelleux qu'aucune autre Apophise de semblable grandeur. & ce pour la necessité de leur vsage par vous raporté au mesme lieu. Et quand aux Os orbitaires, de la Pommette, & du Nez, que vous dittes qu'il feroient vne pauvre chere au regard des Os du Me-

tacarpe, & du Metatarfe, s'ils nauoient autre moyen de viure que celuy qu'ils recoiuent de ce suc Mouëlleux. Ie respõs à cela, que ces premiers Os (pour les meïmes raisons par nous cy deuant apportees) n'ont pas besoin de grãd Aliment. Et pour ce font ils meilleure chere du peu qu'ils ont que s'ils n'auoiët rien du tout. Or est ce de rien que vous les traités, puis qu'il n'y a point d'humeur melancolic dedans les venes, (tel que vous le qualifiés) comme nous auons prouué cy deuant. Aussi tel humeur n'est pas de maison ny de si bonne affaire que nostre suc Mouëlleux qui est de substance semblable a celle qui se refout de l'Os. Touchant ce que vous dittes des Os du Metacarpe, & du Metatarfe: C'est la confirmation des Auteurs, & raisons que nous auons cy deuant dict a sçauoir, Que les Parties qui ont plus de mouuement ont besoin de plus d'Aliment que les autres, de peur qu'ils ne se refroidissent & dessechent trop tost. Et pour ce les Os de la Jambe & de la Main (dequelles le Metacarpe & le Metatarfe sont parties) comme aussi l'Os de la Maxille Inferieure, sont plus Mouëlleux qu'aucun autre Os pour grãd qu'il puisse estre. Apres ce vous proposes que les Dens n'ont aussi point de Mouëlle. A quoy ie respõs qu'en cores moins y sçauriès vous monstrier du sang: Mais les Dens sont elles pas en beaucoup differentes des autres Os? n'est ce pas quelque nature particuliere? I'ay cy deuant dit de l'autorité de Galien, qu'ètre les Os les vns estoiet plus secs que les autres. I'ay prouué tãt de vos parol-

les qu'autremét, que les Os pl^r durs & plus secs auoient besoin de peu d'aliment. Ores d'entre les Os les Dens sont les plus secs plus durs & plus solides: & pourceie dis que peu d'alimét & iceluy halitueux suffit a nourrir les Dens ainsi que ces Osselets du trou de l'oreille, & cest aliment leur est communiqué, tant de la Mouelle contenue en l'vne & l'autre Maxilles (desquelles la superieure en est moins fournie quel'inferieure pour les raisōs ia dittes) que des venes & arterés inserées en leur racines: lesquelles venes & arteres ont esté données aux Dens autrement qu'aux autres Os pour deux raisōs. L'vne & premiere est, afin de fournir cōtinuement aux Dens de matiere alimentaire & icelle halitueuse comme auons dict, lesquelles a raison de leur extrême solidité & densité n'ōt peu ny deu auoir de cauite a receuoir leur Aliment Mouelleux cōme les autres Os: Et ceste solidité estoit ne cessaire aux Dens pour leur action & principal vsage qui est a sçauoir, l'attrition des viandes en la bouche requise a la preparation de la premiere coction qui se fait au ventricule comme dict est. L'autre raison est afin que les facultez Procreatrice & l'Auctrice qui ne s'absentēt (cōme aucuns ont mal pensé) du corps humain, & qui cōtinuement travaillent a la perfection des parties solides & cōseruation d'icelles (cōme il se peut voir aux Dens principalemét, & en la generatiō du cal aux os fracturés) ne māquassent de matiere & d'estofe suffisante pour effectuer ce qui est de leur pouuoir. Et ainsi les Dens qui s'engendrēt apres le

part, non pas vne, mais deux & trois fois, ont elles besoin de ces voiturieres qui leur apportent incessamment des prouisions, pour s'engendrer, & pour croistre (car les Dens croissent iusques a la mort, selon la commune opinion des Anatomistes). Pour mesme raison (dict vn fameux Medecin) la Moüelle qui est en l'vne & l'autre Maxille est diséblable des autres moüelles, & fort semblable a la semence qui engendre les Os.

P A R D O X E.

L se trouue vn Os dans le cœur des grâds Animaux, où est la Moüelle qu'il à pour Aliment.

R E S P O N C E.

Cest Os n'est point Os d'essence & de nature, mais cartilage desseche (c'est chose que i'ay veu & se peut ainsi par d'autre voir en vn ieune faon Cerf) & pour ce ne se trouue point de Moüelle en cest Os, non plus qu'es cartilages desseches, par vieillesse: pour ce que la Moüelle n'est pasture que pour les Os, & non pour les Cartilages Os: dautant qu'ils ne sont engendrés de telle & semblable semence que l'Os. Or l'Aliment doit tousiours estre semblable ala premiere matiere de laquelle sont engendrees les parties. Ne trouues donc estrange, si en l'Os du cœur du Cerf, non plus qu'es Cartilages desseches ne se trouue iamais de Moüelle ni de suc Moüelleux pour icelle.

Sur le cinquiesme chapitre.

PARADOXE.

Nous n'entendons icy parler de la substance du cerueau, ny de la Medulle ou Moüelle spinale, ains de ceste Moüelle cotenue aux autres Os, que les Grecs appellent Myelos & les Latins Medulla, &c.

RESPONSE.

E me ferois tort de l'entendre autrement, car tous les Autheurs qui m'ecclaircent en ce faißt, desquels Hipocrate est le chef, l'entendent ainsi: car parlant du propre Aliment des Os il dict *Myelos Trophy dia toto.* *πρωτογενής* Que Gourmelan traduit en latin *Medulla Ossis alimentum propterea callo obducitur* qui est à dire en François (comme ie pense) Que la Moüelle est l'Alimēt de l'Os, & pour ce sert elle a faire le Cal d'iceux estant fracturés: qui est contre vostre opinion, mais nous la resoudrons en son lieu, Dieu aydant.

PARADOXE.

Voyons donc maintenant la diuersité qu'il y a de ceste derniere espee, affin que parla on puisse juger facilement qu'elle n'est pas le vray Ali-

ment des Os (qui est contre l'authorité susditte & autres innumerables.) Apres ce, vous nous produisez toutes ces diuersités de Mouelles & de suc Mouelleux, qui sont (a ce que vous soustenés) presque d'autât de sortes, qu'il y a d'Os ainsi repetés vous la mesme chose que tãtoft. Puis : Certainemēt leur nature estât tousiours vne & semblable a soy-mesme, ils ont tousiours besoin d'vn nutriment egal, & qui soit assiduement, en tout temps & en toutes faisōs de mesmes qualités & substance.

R E S P O N C E.



Vssi est-il, & comme tel il nourrit l'Os. Car cōfessant qu'il y a en tous Os de la Mouelle ou du suc Mouelleux, ne confessés vous pas semblablement vne egalité de substance Alimentaire? Ouy: mais (dites vous) l'vne est plus rouge, l'autre plus blanche, l'vne plus humide, sanglante, & plus grasse l'autre. Cela ne peut rien contre nous, car n'est-ce pas tousiours de la Mouelle ou du suc Mouelleux? Et partant vne substance tousiours egale: car toutes ces differences que vous proposés ne sont que qualitatives (& pource proportionnées aux diuerses qualités des Os) mais non pas substantielles

^a Hipocr. l. 2. *Atqui alimentum proprium cuiusque partis nutrit de aliment. ratione formæ & substantiæ* tout ainsi que le plus d'Aliment augmente ceste nutrition: & pour ce les Os qui ont besoin de plus d'Alimēt, sont plus Mouelleux que les autres, & au contraire.

J'ay dict, que ces differéces qualitatives estoient nécessaires a vne mesme substance Alimentaire de l'Os pour raison des diuerses qualités qui se retrouuent entre les Os, quelles sont la durté, la mollesse, rarité, densité, & autres qualités; cōme chaleur, froideur, humidité & siccité que nous auons cy deuant prouué estre entre les Os (cōme vous mesmes le dittes) quasi preiugeant cela pour responce future: & si pour tout cela vous n'estes pas content. Si vostre raison ne peut vous contenter a peine le pourray-je faire de la mienne, car, qui nous peut ou nous veut plus de bien que nous-mesmes quand le moyen s'en presente? Quant est de la Mouelle contenue entre les deux tables de l'Os coronal, vous dites qu'elle sert au sēs de l'odorat: & ainsi cest Os frōtal sera sans Alimēt. C'est s'il me semble bien mal conclurre: car quand ainsi seroit que ceste Mouelle seruiſt al'usage que vous dittes auez vous point veu cy deuant quel Alimēt a plusieurs usages? Ne scauez vous point aussi que les Glandes se nourrissent de leur propre Alimēt, & si en aydent d'autres parties, qui sert ainsi a d'autres usages qu'à les nourrir? Et vous nous faictes ceste Mouelle Glanduleuse. D'auantage, l'Aliment des articles n'a il pas d'autres usages quels vous pouués scauoir? Bref vostre consequence est maque de dire; que ceste Mouelle seruāt a l'odorat ne peut estre nourriture al'Os coronal; C'est trop peu de chose que cela pour y employer plus de discours a faire voir le deffaut qui est en cest endroit si clair.

PARADOXE.



Mais que dira on des deux fortes de mouelles qui se trouuent en vn mesme Os?

RESPONSE.



'Est le tesmoignage de ces alterations moyennes que nous auons cy deuant dict interuenir par la coction & changement du sang en Mouelle, & de Mouelle en Os. Et

^a l. 1. facul. natura.

^b 4. Meteor cap. 2.

^c Gal. l. de semine l. 6. de plat. hi. & platonis fl. 2. de par animal.

cela mesme tesmoigne Galien en autre endroit disant ^a *Vt rubrum album fiat omnes que in medio sunt alterationes requiruntur*: Et l' Aristote ^b *Coctio (inquit) omnis a Calido innato ex oppositis fit patibilibus: In vniuersū enim que coquuntur ex tenuioribus crassiora redduntur*. Desquelles authorites nous apprenons deux choses, L'vne est que tout Aliment s'espaissit par coctio ^c *Est autē Medulla sāguis cocctus per bonam nutritionem* ^d *inquit Aristotele*.

L'autre est qu'ē la mutation qui se faict d'vn cōtraire en l'autre il faut qu'il interuiēne plusieurs qualités moyēnes (qui est ce que nous venōs de dire) c'est pourquoy en vn mesme Os se trouue diuersité de Mouelle. Je reconnois vne lourde faute (fort messeante a tout homme qui escrit) que ie faicts en ce discours par la redittē frequēte d'vne mesme chose: Et pour ce ie prie le Lecteur de m'excuser, considerant la cause & necessitē d'icelle: car lisant le Paradoxe il trou-

uerra qu'il est fort remply de telles Tautologies qui m'obligent & contraignent par la respõce que ie fais en ce liure sur chafque point d'ice-luy, de tomber en mesme faute.

PARADOXE.

LA Mouelle augmente, ou diminue selon l'accroissement ou declin de la Lune. De mesme elle change de nature & qualité selon les diuerfes saisons de l'annee, & pourcce que doit on conclure de toute ceste diuerfité & mutation de Mouelle qu'elle n'est pas le vray nutriment des Os?

RESPONSE.

Veritablemēt ceste cõclusion est vn peu rude: de dire que la mouelle change de nature, rien moins que cela, mais de quantité ou de qualité cela peut estre. Or l'Aliment (cõme i'ay tantost dit) ^d ne nourrit point ^d a raison de sa quantité & qualité, mais pour rai- ^d son de sa substance formelle, comme de sa qua- ^d tité il augmente ceste nutrition: & de sa qua- ^d lité *simile facit illi substantiæ quæ ante ab initio inerat dum proprie nutrit.* Passons outre c'est trop demourer en beau chemin.

^d Hip. l. de Aliment. Gourmelã au cõment. & Gal. l. 3. temperam.

Sur le sixiesme chapitre.

PARADOXE.



Oute la communauté des Medecins & Chirurgiens, tient pour chose tres-constante & veritable? Que ce qui est excrement a vne partie ne peut estre Aliment d'icelle.

RESPONSE.



Oila ce que ie ne trouue point dans les Autheurs, mais bien ce qui s'en suit
a conficiunt interdum membra excrementa si qua habent coctilia, reliqua attenuare, vacuare. Hoc enim erat commodius animati quam ut perpetua repetitione cibus ingereretur. Cela ne se prouue il pas par l'usage de la greffe que l'Aristote^b dict. estre vn sang cuit par bonne nourriture? Outre ce, le sang n'est-il pas Aliment au foye & excrement d'iceluy?

La Semence^c n'est elle pas le nutriment aux testicules & excrement d'iceux? Le mesme se peut dire du sang aux Mammelles, & du sang menstruel a la Matrice. Mais pour faire voir que la Mouelle ne peut estre excrement, ie le prouue en ceste sorte: L'excrement est ainsi dict par distinction de l'Aliment^d pource qu'il est comme estranger a la nature reietté & chassé hors d'icelle, & l'Aliment au contraire retenu & conioinct en icelle come familier. Or la Mouelle

^a Gal l. 5. de pla. hip. & platonis & vales. de controu. medicina. ^b l. 2 ca. 5. de partibus animal.

^c Galenus l. de me. equ. in temp. & 3. facu. na. Gonometia. comment. in l. Hip. de alimento.

^d Galenus l. de Sanit. tuenda.

elle & le suc Moüelleux ne sont chassés hors de l'Os, mais clos & dispersés en toute la substance d'iceluy : ils ne peuvent donc estre Excrement mais Aliment. Ceste verité se peut connoistre du moins sensé qui soit en la Medecine & Chiurgie: & croy que vous la iugerez telle quand vous aurés bien exactement considéré la nature des excremens tant vtiles qu'inutiles qui succedent ala nutrition de toutes les parties du corps humain. Car il n'en est aucun pour vtile qu'il puisse estre qui ne soit chassé hors du corps, ou du moins de la partie de laquelle il est excrement. Et pour vous faire voir que la Moüelle ne peut estre excrement de l'Os comme partie froide, & seiche, Voicy ce que dict Galien *excrementa similia sunt corporibus quæ aluntur quorum sunt excrementa*: Atqui, la Moüelle est chaude & humide & l'Os froid & sec comme vous mesmes le confessés, ainsi, la Moüelle n'est pas excrement de l'Os: Dailleurs *Duo contraria simul mutuo sese interimunt fortiusque imbecille vincit*: Atqui *Medulla & Os contrariis qualitatibus pugnant*: Et partant si la Moüelle chaude & humide estoit excrement de l'Os seulement froid & sec, elle le corromperoit: D'autant que la chaleur & humidité sont qualités plus fortes que la froideur & siccité. Je passe au second chef de ce chapitre ou vous dittes.

s. de plat. cit hip. & plat. l. de arte & de sanit. tu va les. de controuers. medicina. Aristot. l. de longit. vita & i. metaphis.

PARADOXE.



Ela n'empesche pas toutesfois que la Moüelle ne soit par nous reconnue ainsi

que la gresse partie similaire de nostre corps.

RESPONSE.



I ainsi estoit que la Moüelle fust excrement comme tantost vous auez dict, comme peut elle estre partie similaire? Si cela estoit, ien'aduise point a quoy Messieurs de la Faculté se pourroient d'icy en auant plus employer, qu'à la reformation du cod de l'Anatomie : car la Moüelle que vous nous depeignés, composee de sa propre substance (qui est grasse & visqueuse) reuestue d'une tunique ou membrane, tissue de venes, d'arteres de nerfs, & incluse dedans les Os n'est elle pas ainsi plustost partie dissimilaire que similaire? Et l'Os qui sera Moüelleux en ceste sorte, n'est il pas plustost composé que simple? A peu seruira la responce que l'on peut faire disant, Que la Moüelle peut estre similaire ou dissimilaire comme les venes, arteres & nerfs, lesquelles *Iudicio sensus simplicis, seu similes ratione verò compositæ & organica dicuntur* : Or la Moüelle ne peut estre similaire de la sorte, estant composee de ces trois genres de vaisseaux & d'une membrane : encores moins peut elle estre similaire a la façon des autres & vrayment telles (qui sont faites par chaleur & la Moüelle par froideur) & la plus petite portion desquelles retient mesme forme & appellation que son tout : mais la Moüelle selon vous^h mesmes est si differéte en soy & de si differente nature, que les parties d'icelle diuisees ne sont en rien semblables a leur

^e Aristot. l.
2. ca. 6. de
part. anim.
Fernel. 2.
physiolog.
^h Para. c. 5.

tout. D'auantage la Mouelle ne peut estre partie s'elle ne vit d'une commune & semblable vie que son tout, ce qu'elle n'a point. Outre cetoute partie vraye est subiette a maladie ce qui n'arriue pas a la Mouelle. Partant la Mouelle ne peut estre partie qu'en la façon du sang & des autres humeurs naturels & Alimentaires.

PARADOXE.

LA Membrane qui reuest la Moïelle est d'un sentiment tres-exquis, comme la raison, & l'experience le tesmoignent & ce qui s'ensuit.

RESPONSE.

S'A Y cherché ceste raison, & experience (que vous dittes) en la suite du discours, mais ie ne l'ay point trouué si n'est l'authorité seule de Roger & de Lanfranc: mais tout cela n'a pas grand force, & m'asseure qu'il est plus croyable, ceste authorité appartenir a la membrane qui reuest la Mouelle du cerueau & de l'espine, qu'a celle de laquelle nous parlons: vray est, que si elle estoit reuestue d'une membrane vraye, & icelle tissue de rinceaux ou surgeons de nerfs que vous rapportes (de l'authorité de Paré) penetrer tout le corps de l'Os iusques dedans sa cauite ou est la Mouelle, il y auroit quelque raison de croire qu'elle fust fort sensible: Mais ie ne trouue authorité que celle de Paré, point de raison, moins d'experience qui soustiennent ce que vous dittes. A rai-

son dequoy i'ayme mieux croire & me tenir à la vieille mode qu'à ceste nouvelle. Car si ainsi estoit, la Mouelle ne seroit partie similaire mais dissimilaire, & l'Os Mouelleux non moins composé que le Muscle. Que s'il se treuve quelques surgeons de nerfs penetrer la substance de l'Os, croyez vous pas que c'est l'effet ordinaire, de la iustice bien ordonnée sçauoir est. Qui plaisir faict plaisir requiert. Car l'Os n'estant engédre tel de nature que pour seruir a la faculté motiue principalement, qui est partie de ce principe animal cōmunique a l'hōme en toute perfectiō, luy deniera-il la courtoisie qu'il depart a toutes les autres parties par les nerfs. (le sentimēt a sçauoir) en recognoissance du plaisir qu'il recoit de l'Os au faict du mouuement? Il y a bien de l'apparence que non: Car l'Os n'est point dict partie animale, pour ce seullement qu'il sert a ceste faculté, mais aussi pource qu'il a communication avec ce principe: & ceste cōmunication ne peut-estre que par les nerfs, non plus que le vital par les arteres, & le naturel par les venes; au moyen desquels trois organes (le nerf, l'artere, & la vene a sçauoir) toutes les parties de nostre corps ont communion avec les trois principes ou parties principales & entre elles mesmes: ne faisant ensemble, ^h Qu'vne nature & vn tout parfait & accompli: Pource dict l'Hipocrateⁱ que, *Confluxus vnus conspiratio vna, consentientia omnia*. Et pour le regard de ce que vous raportes de l'Aristote il a peu se flatter en ce faict, blasmant son maistre Platon comme tesmoignent Galien,^k & autres.

^b Hip. l. de alimento.

ⁱ l. de alimento.

^k L. de semitio vna, consentientia omnia.

ne Fernel. l. 7. physiol. vales. decō

ron. med.

Sur le septiesme chapitre.

PARADOXE.

LA nature sage ouuriere a faiçt les Os des animaux cruels, farouches, sauuages, & courageux, forts &, solitaires, tout massifs, tres-durs & denses; sans cavitè ny Mouelle aucune, comme il se void aux Lyons Leopars, & Tygres : & des Oyseaux de Proye, l'Aigle, le Sacre & le Faucon.

RESPONSE.

TOUT ce discours est tiré de l'Aristote & du Galien, comme le lieu que vous cotez au marge de vostre Paradoxe le montre. Toutesfois vous semblez en cela, ceux qui prènent ede la Sainte Escriture, ce qu'ils pensent faire pour eux, laissant le meilleur. Nous repetons que les Os ayant esté principalement destinés au seruice de la faculté animale doiuent estre tels qu'ils sont en ces Animaux, à sçauoir tres-durs & tres-secs. Or la durte & ficcité grande qui est en certains Os plus qu'aux autres sont tesmoins d'une grande & tresforte chaleur^a comme auons ia^a *Hip.l.de nat.pueri* proué : aussi sont ces Animaux tres-chauds. *b l.i. temperammēt.* C'est pourquoy le Galien dict,^b que l'homme est froid au regard du Lyon. Ce que ie dis semble vous fauoriser en ce point : & pour mesme

fin, vous vous estes aydé de l'authorité d'Hi-
pocrate difant, (que ceux la mangent ou doiuent
manger d'auantage qui ont beaucoup de cha-
leur naturelle). mais ce beaucoup la (cômè ex-
plique le Galien)^c nes'entend point de la qua-
lité, mais de la substance & quantité de la cha-
leur naturelle qui est tres-grande en l'homme
plus qu'en aucun animal; & plus en ceux qui
croissent qu'en ceux qui sont d'aage parfaict:
Car ceux cy sont plus chauds qualitatiuement;
& ceux la quantitatiuement & substantielle-
ment. Or les animaux susdicts sont tres-chauds
de chaleur qualitatiue & non substantielle, &
pour ce deuorent ils beaucoup: tellement que
les Os d'iceux, sont peu garnis de Moüelle,
pour raison de ceste forte chaleur qui consome
foudain l'Aliment des Os, & ne permet, de
s'amasser en iceux: outre ce que le sang non
plus que l'humidité radicale de ces animaux ne
sont point gras, comme nous pouuons recueil-
lir des parolles de l'Aristote que voicy? ^d *In non-*
nullis animalibus, calor insitus non pinguis, sed alio
succo præditus est. Et la cause de cecy est-ce que
nous venons de dire: qui se confirme en outre
par ce qui sensuit. ^e *Calida quidem animalia, sicut*
& membra, (comme le Poulmon) exiguam ha-
bent pinguedinem, frigida vero multam: Quæ cum
multam habeant discussionem non congerunt multum
sanguinem: hac autem quia parum discutunt, mul-
tum congerunt. Eaque de causa quæ spissa Ossa fir-
mâque habent (vt leo) non temere nullam, aut ad-
modû exiguâ habent medullam, Alimentû enim in
Ossa absorbitur. Et ailleurs ^f Sunt ex animalibus quæ

^c comment.
14. & 15.
2. l. A-
phorism.

^d Aristot.
1 d. longit.
vlt c. 2.

^e Arist. 1. 3
de ortu ani-
mal.

^f 1. 2. c. 6.
de partib.
animal.

nullum commentatione dignam Medullam habeant, videlicet ea quibus Ossa robusta & solida sunt (ut Leoni,) eius enim Ossa quod exiguam & perobscuram Medullam continent, carere omnino Medulla videntur. Le mesme dit Galien. ^b Plusieurs (dit-il) ^{b.L.II.C.18.} croient que le Lyon qui est le plus fier & braue de tous les animaux n'aye aucune Mouelle dedans les Os; mais en l'Os de la cuisse & autres semblables extremittez y a vne petite cauité & non trop apparente estenduë par le milieu de l'Os. Et plus outre. La substance & consistence des Os est aux Aigles tres-dure, apres icelles, aux Oiseaux de proye farouches, hautains & robustes, comme au Sacre, au Faucon & autres semblables, Il est a voir maintenant que ces paroles tant de l'Aristote que du Galien ne sont semblables à ce que vous dittes; Car ny l'un ny l'autre dict qu'il n'y aye point, mais peu de mouelle dans les Os du Lyon. Que s'il n'y a tant de mouelle dans les Os de ces animaux que d'autres, ce n'est pas à dire pour cela que la mouelle ne soit l'alimēt d'iceux, mais qu'elle est (comme dit l'Aristote) employee & comine deuoree par la forte chaleur qui est en iceux.

PARADOXE.



Le lit dedans Pline qu'il y a des hommes viuans desquels les Os sont attapis & concrets sans Mouelle aucune, lesquels il nôme Corneos ou Corneillers pource qu'ils ressemblent au corneiller masse qui n'a aucune Mouelle dans son tronc. Et ainsi (dit-

tes vous) n'y a pas moyen de se sauuer de ce coupicy.

RESPONSE.

Vous trouuerrez en ce lieu qu'il y va du vostre, & que vous n'aués iamais leu Pline ou bien dans Pline ce que vous dittes: car vous cités ce passage du 25. chap. du 6. liure, & ce que vous raportés avec ce que ie diray tout maintenant est escrit dans le 18. & 19 chap. du 7. l. Secondement ceux qui vous ont donné l'explication du passage, ou, il ne vous estoient pas asses fidelles, ou n'entendoiet point la langue Latine: car voicy ce qu'il en escrit ^c. *Accepimus, quosdam concretis Ossibus sine Medullis vivere.* Et si cela est, en voicy la raison. *Huius autem rei signum est ut nec sitiant, nec sudorem emittant.*

^{c. l. 7. c. 18.} Puis ^d *Quibus autem concreta sunt Ossa, hi admodum rari sunt & cornei vocantur.* D'ou l'on peut recueillir trois choses. La premiere vne incertitude qu'il y aye des hommes qui ont les Os si concrets & fermentes en leur substance qu'ils soient sans mouelle: aussi Pline ne dict il point que cela soit, mais qu'il l'a ouy dire comme signifie le mot *d'accepimus*. La seconde est la raison pourquoy tels homes seroient sans Mouelle, qui est a sçauoir l'extreme ficcité de leur nature que nous signifie ce qu'il dict, qu'ils n'ont iamais soif & ne suent point. La troisieme est, que l'Autheur n'entend point les comparer pour cela au corneiller masse: car le mot (*Cornei*) ne signifie pas cela (mais comme il est

^{d. c. 19. l. 7.}

a voir des mots precedens) que les Os d'iceux estant merueilleusement rares, & transparens (s'il faut ainsi dire) cōme corne, pour ce sont ils dits *Cornei*; comme s'il vouloit dire qu'ils ont les Os semblables a corne. Je scay bien que le mot *Cornei* signifie aussi estre fait de bois de corneiller: mais ce seroit pure mocquerie de dire que ces hommes eussēt leur Os de bois de corneiller. Dauantage, auquel doit on adiouster plus de foy ou a celuy qui dict l'auoir ouy dire, ou a celuy qui dict l'auoir veu. *Testis oculatus equipollet decem auritis* dict Ladage commun. Or Pline au passage susdit ne parle que par ouyr dire: mais au suyuant, il parle pour auoir veu & *In toto corpore Animalium cuties est, sanguis, caro nervi, vena, Ossa, Medulla.* Vous voyés que Pline dict icy qu'il y a de la Moüelle au corps de tous les Animaux: de sçauoir si c'est pour nourrir les Os ou autrement c'est ce que nous disputons. Bref quand ainsi seroit qu'il y eust des hommes sans Moüelle aucune, vous sçauéz bien qu'une exceptiō particuliere ne peut ruiner vne maxime vniuerselle.

PARADOXE.

E confirmeray d'auantage en celieu cy par vne exemple que ie prendray sur quelques plantes, lesquelles plus ou moins sont replies d'une grande quantité de Moüelle & toutesfois ce n'est pas pour les nourrir, & ce qui s'ensuit.

RESPONSE.

S'Ay cy-deuant suffisamment prouué (ce me semble) comme la Mouelle estoit l'aliment des Os, & non excrement, qui est contre vostre opinion, que vous taschez neantmoins de valider en toutes manieres, comme maintenant par l'exemple des Plantes. Mais quand cela seroit que la mouelle contenuë d'as les plantes ne fust aliment d'icelles, voudriez-vous inferer de là qu'elle ne fust l'Aliment aux Os? Peut-estre direz-vous ouy, pource que l'homme vit vegetatiuement comme les plantes. Cōbien que cela fust vray, que l'homme eust vie en quelque façon comme les plantes, il y a bien toutefois differēce de leur façon de viure.

^h Fernel l.
5. Physiol.
cap. 15.

^h Cat les plantes tirent de la terre vn suc impur & limoneux sans preparation aucune, & pource ne viuent-elles pas long temps, mais meurent d'an en autre, à raison du peu de chaleur qui est en elles, & de l'abondance des excrements qui resultent de leur nourriture par faute de preparation. Mais les parties de l'homme tirēt vn suc préparé & espuré premierement en d'autres parties, & iceluy prouenant en outre d'une matiere alimentaire de toute autre nature que celle des Plantes (comme chacun peut scauoir:) de sorte que la vegetatiue des plantes ne se peut comparer à celle de l'homme, comme vous voyez. D'abondant, ceste Mouelle qui est dans le tronc des arbres (qui tient peut estre lieu d'Os entre les parties de l'arbre) est elle excrement ou Aliment? Si elle est

Aliment, elle ne le peut estre en la sorte que la Moëlle est a l'Os: car cestuy cy est particulier; mais elle doit estre alimēt, nō du tronc seulement, mais de tout l'arbre. Qu'elle soit excrement, il n'y a point d'apparence pour les raisons que nous auons deduites ailleurs parlant de la nature de l'excrement. Vous ne dittes point qu'elle soit partie de l'arbre (comme elle peut estre, mais equiuōquement) vous estes contenté de dire, Que les arbres viuent vn lōg temps apres que leur Moëlle & partie intérieure de leur tronc est toute vermoulue, vuidée, & creusée. En cela il y peut auoir de la verité & du mésōge: car qui dit tout il'excepte rien, & vous vsés de ce mot, puis vous vous reprenés & dictes: Ne restât riē qu'vnē souche avec fort peu de fibres & subitāce de l'arbre. Mais entendés vous que toute la partie supérieure uermoulue produise fleurs, & fruiēts, comme l'autre qui ne l'est point? ie croy que non: Aussi voyōns nous que l'hōme bon quoy que mutilé d'vn bras, ou d'vne Iambe, ne laisse pas de viure & faire des fonctions au reste de ses parties autant excellentes qu'au parauant il faisoit fors de ceste partie mutilée: mais ie tarde trop sur peu de suiet: car la difference & de structure & de façon de viure est par trop grande entre l'homme & la plante pour vous seruir de ceste comparaison en c'est endroit

Plato in timæo Aristot. l. de. A. ortu Gal. l. 6. de placit & 1. facul. nat. Fernel l. 15. physico-log. c. 16.

nimal enim anima & natura stirpes verò sola natura reguntur. Mais pour bien entendre cecy il faut lire Platon, Aristote, Galien, & Fernel aux lieux cōtēs en la marge. C'est vne Philosophie vn

peu trop haute pour nous, & qui n'est autremēt de nostre subieēt, voire mesme qui meriteroit vn plus lōg discours que le temps ny ma plume ne permettēt, & par ainsi vous vous cōtenterēs s'il vous plaist de ce qui en est dict cy dessus.

Sur le huitiesme chapitre.

PARADOXE.

Toute partie qui a pris commencement, progrès, & accroissement avec son tout, & qui vit avec iceluy par vne mesme vie & conseruation : elle est par consequent nourrie & entretenue de mesme nourriture que son tout. Or est ce chose approuuée entre les Medecins, & Philosophes, & escrite par Aristote, Galien & plusieurs autres : que tout le corps humain, est nourri de Sang.

RESPONSE.

TE suis marry que vous imputiēs à Galien & autres, chose à laquelle ils n'ont iamais pensé, l'Aristote seul insiste en ceste opinion : mais le Galien & ces autres en sont bien eslongnés. Car les trois liures des facultés naturelles, le troisiēsme des Temperamens, le sixiēsme de *placitis Hipocr. & Plat.* l'Hipocrate au liure de *natura humana*, le Galien au commentaire, bref en infinis endroiēts Galien & plusieurs autres tiennē que les parties charnues specialemēt les musculēses & les pa-

enchymes se nourrissent seules immédiatement du Sang, apres vire legere & facile coction (comme nous auons dict) ; & que toutes les parties Spermatiques s'en nourrissent, mais mediatement, & apres estre change en nature de semence. Et pour ce dict Fernel^a *Non ex alia materia procreata sunt particula, ex alia vero* ^{l. 7. Phyl. siolog. c. 2.}

Alimentum & vitam capessunt: atqui partes omnes solida ex semine ortum habent: ergo aluntur semine.

N'est ce pas ce que nous auons explique cy deuant parlant de l'accroissement des Os, & de la Nutrition d'iceux? Et la reigle commune, Que toute partie se nourrit d'Aliment semblable a la substance qui se resout d'icelle? Et ce qui se resout des parties spermatiques, n'est ce pas quelque chose de spermatique? Il faut donc croire que les parties Spermatiques, se nourrissent de semence: qui est la partie du Sang plus cuitte & elaboree en telle nature, par la chaleur specifique d'une chascune d'icelles. Mais iereuiens a vostre maxime & vous demande si vne mesme nourriture fust a toutes les parties, pourquoy y a il quatre substances au sang? Vous mesmes dictes que le Poulmon se nourrit d'un sang bilieux, l'Os d'un sang melancholic, quelques autres d'un sang pituiteux, outre le sang pur duquel se nourrissent les parties charnues. Surquoy ie persiste, ces 4. sortes de sang sont ce vne mesme sorte de nourriture? On me pourroit bien demander le mesme de la Moüelle & du suc Mouelleux, mais ceste demãde seroit trop impertinẽte, car toutes ces especes de sang ne sont que l'effect de la secõde

coction) que nous auõs dict estre Alimēt qui
nourrira, prepare au foye, puis conduit en
toutes les parties pour les nourrir) mais la
Mouelle & le suc Mouelleux est ce, 3. Aliment
que Galien appelle *quasi nutriens* & pour ce
dict il que *Tabis est Ossibus medulla, qualis est car-*
nibus sanguis, & ce troisieme Aliment est le
vray, & l'effect de la troisieme coction. Vous
mesmes confirmez tout ce que ie dis en la suite
de vostre discours escriuant: Que toute partie
est nourrie de mesme qu'elle est engendree:
Et nulle partie n'est engendree de sang mais de
semence (comme auons prouué) sinon qu'on
voulist dire que la semence n'est autre chose
qu'un sang cuit ainsi que la Mouelle. Mais cõ-
me chascun peut scauoir & entendre du dis-
cours precedēt, ou d'autre semblable, il y a biē
de la difference du sang a la semence, & pour-
tant me contenteray-ie de cecy pour expedier
ce qui suit.

P A R A D O X E.



Ais on dira qu'il faut que le sang qui
doit nourrir l'Os auparauāt qu'estre
change en Os il faut qu'il deuienne
Mouelle, pource qu'elle est le moyē
entre le sang & l'Os: ce que nous nyons tout a
plat cõme opinion du tout cõtraire a la raison.

R E S P O N C E.



Eux qui ont leu ou liront cest negation
tant hardye tout aplat, diront qu'a la ve-
ritē telle faute vous doit estre pardõnée,

carne voulant nourrir que le froid & le sec de l'Os, la Mouelle en ceste sorte n'est pas propre a cest effect: mais pour nourrir le chaud & l'humide qui est la seule substâce qui perit & se dissipe de l'Os, (comme il a esté dict tant de fois, & i'ay honte de le repeter) tout Iuge raisonnable & d'equité vous deboutera en cecy non moins qu'au reste de vostre cause; c'est pourquoy ie ne veux m'arrester d'auantage. Pour le regard de l'authorité d'Auicene, il ne la faut prendre a la lettre, car il dict ailleurs, *frigus in actionibus virtutum non ingreditur*: Et le Galien *Pituita nutritioni inutilis quia frigidissima*. A quoy doncques seruira vostre humeur melancholic? Le sang n'est Alimentaire mesme au foye qu'apres estre espuré du sang melancholic & limoneux tel que peut estre celuy que vous proposés. Outre ce, la Mouelle qui est si douce chaude humide ou temperee & aëree seroit elle bien engendree d'un sang froid, sec, terrestre acide & fœculent? Il faudroit d'autres raisons pour nous le faire croire: encores moins que le froid de l'Os en soit la cause sinon de la sorte que i'ay cy deuant dit & diray encores tout maintenant *Sanguis enim vt dulcia reliqua a calore fit temperato*: Ainsi est-il plus croyable que la Mouelle qui est douce & temperee soit ainsi qualifiée par la chaleur naturelle de l'Os que par le froid d'iceluy: & qu'elle luy soit vn plus propre alimét que l'humeur melancholic acide froid sec & limoneux. Cardict l'Aristote *omne nutrimentum nutrit in quantum dulce est.*

^d comment.
in l. Hip. d.
nat. hum.

^e Ibidem
^f Ibidem
^g Ibidem
^h Ibidem
ⁱ Ibidem
^k Ibidem
^l Ibidem
^m Ibidem
ⁿ Ibidem
^o Ibidem
^p Ibidem
^q Ibidem
^r Ibidem
^s Ibidem
^t Ibidem
^u Ibidem
^v Ibidem
^w Ibidem
^x Ibidem
^y Ibidem
^z Ibidem

^e Quinte-
rius schol.
in l. Hip. de
nat. hum.

^f l. de sensu
& sensili

Sur le neufiesme chapitre

PARADOXE.

LA Moüelle seroit l'une des quatre secondes humeurs si elle nourrissoit l'Os, ce qu'elle n'est pas: car la definition d'humeur neluy conuient pas.

RESPONSE.

VOUS donnés bien de la peine a vostre plume pour vouloir establir vn dogme nouveau. L'aucéne qui a le premier expliqué la phrase de Galien parlant de ces quatre secondes substances Alimentaires sous le mot de siccite (qui reuient a ce que nous auons cy deuant mis l'humidité radicale entre les parties solides) les qualifie du nom d'humidité & non d'humeur; a la difference des quatre substances premieres contenues dans la masse sanguinaire deffinies par le mot d'humeur, desquelles aucune n'est Alimentaire auant que d'estre espurée d'une superfluité aqueuse qui est dans le sang, & qu'elle n'ait passé par l'estamine d'une autre coction qui se fait en chascune partie de son propre humeur, & qui par ceste coction particuliere degenerate en ces quatre humidités secondes, premier qu'estre conuertit en la substance de la partie qu'il nourrit: Et en ceste sorte Auicene condamne (auec le Galien, Fernel, & autres) l'opinion de

l'Aristote, qui veut que le sang soit le dernier Aliment des parties : mais ces humidités se remarquent aisement en la nutrition des parties charnues & musculieuses, plus difficilement és Os, a cause de la fermentation & solidité de substance qui est en iceux. C'est-ce que nous pouvons apprendre des parolles mesmes de l'Auicene, & dn Fernel touchant ce point. *Secundariorum vnus constituendus est is humor qui carnosus vocatur substantia* (Et l'Os est de substance solide & tres-dure) *Et quatenus concretus liquor solidis fibris adhaerescens* (l'Os n'est pas fibreux) *Moles fit similis partis.* (ie croy que c'est-cy la derniere de ces humidités secondes nommee Gluten) *Alter est qui ceu proximum partis Alimentum illi iam annectitur. Et agglutinatur* (voila le Cambium) *Deinde accedit qui nondum quidem agglutinatur & adhaerescit, sed Rosis vice in partis substantia diffusus, propiusque adductus illi apponitur* (N'est-ce pas icy la troisieme humidité dite Ros? *Postea is humor existit qui in exilibus arteriis venisque continetur, hinc mox ex eorum sinibus in vacua partium spatia influxurus.* (Qui est l'humidité premiere dite innominee) A quoy adiouste le Fernel *Hinc constat purioris sanguinis esse portionem multiplici coctione exquisite elaboratam & ex qua pars similis aletur.* Ainsi ne fera-ce point le sang qui sera le dernier Aliment ny cest humeur melancholic (que tantost nous disions) l'Aliment de l'Os: & c'est cela mesme qu'il semble que vous confessiés au commencement de ce chapitre. Mais voyons maintenant si les raisons par vous allegues contre la Mouëlle

Alimentaire de l'Os sont receuables. Pour la premiere elle me semble estre suffisamment resolue par ce que ie viens de dire: Toutesfois, ie vous demande (sur ce que vous dites. Que la Mouelle n'est pas humeur) Leau n'est-ce pas vn humeur? aussi est le sang. Et comment definiriez vous la Glace sinõ vne eau ou humeur cõcree: Ainsi est deffinye la mouelle vn sãg ou humeur cõcree. Mais (pourrez vous dire) l'eau est cõcree par froideur & la Mouelle par tiedeur

^al. 2. c. 6. d. (qui est le mot duquel vſel' Aristote^b) & n'õ pat
par. anim. chaleur comme quelques vns ont pẽsẽ & mal.

^cFernel. l. 2. physiol. valef. deco
tron: med. C'est pourquoy d'autres ont attribuẽ la cause Cõcretrice de la Mouelle au froid de l'Os d'autãt que ce qui se cõcree par froid se fõd par chaleur ainsi fait la Mouelle, mais non pas cõme la glace. La raison est, que le chaud qui est en l'Os refout les parties subtiles & aqueuses du sang (qui est de nature fort dissemblable a l'eau) d'õu vient que la Mouelle mise au feu ne fond si tost ny si aisement que la Glace, pource que les parties subtiles d'icelle, sont seulement assembles & comme affigees par le froid, & celles du sang absorbees par la chaleur & siccité de l'Os: Et partant ie conclus que la Mouelle peut estre bien deffinie, vn sang conree par la froideur de l'Os pour la nourriture d'iceluy.

¶ La consequence de vostre seconde raison est bien foible quãd vous dittes: Que si la mouelle estoit l'Aliment de l'Os (y ayant quatre humidités secõdes en chascune partie similaire pour la nourrir) il faudroit qu'il y eust quatre sortes de Mouelle en l'Os. Mais ie vous demande, y

ail en toutes parties, ou en chascune quatre sortes de *Ros*, de *Cambium*, & de *Gluten* ainsi la Mouelle ne peut elle estre qu'une ou deux de ces quatre : Il faut seulement sçauoir quelle. Premièrement elle ne peut estre ceste premiere humidité qui s'appelle innominee, car c'est de la Mouelle : mais elle peut estre le *Ros* & le *Cambium*, ensemble. Car le *Ros* (comme l'on peut voir du discours précédent) est celle humidité diffuse en toute la substance de la partie, qui (par vne metaphore & similitude de la rosee de l'air laquelle abreuve les plantes & se congele par froid) est de nom imposée a ceste humidité : Ainsi la Mouelle s'espand en toute la substance de l'Os l'abreuant d'une humidité Alimentaire pour le viuifier & nourrir, & (comme vous dittes) le preseruer de pourriture (non pas comme Excrement, mais comme Aliment) & cependant neantmoins se crée dans les cõcauites & porosites de l'Os par le froid d'iceluy, ainsi que la rosee par le froid de l'air. Le *Cambium* est celle humidité qui adhere & s'vnt a la partie qu'elle nourrit comme le prochain Aliment d'icelle : Or la Mouelle est telle. Et partant ie tiés que la Mouelle est le *Ros* & le *Cambium* de l'Os. Les dix autres raisons sont assés refutées par le discours précédent & present sans qu'il soit necessaire d'vser de redittes suyuant le dire du Poëte.

De multis, nugis, metri, & mendacia, verbis

Astricta, verum, sub breuitate latet.

Sur le dixiesme chapitre

PARADOXE.

Est a tort que l'on attribue la nourriture des Os a la Moëlle, puis qu'il nous appert euidentement que c'est du sang, & non d'autre matiere qu'il sont immediatement nourris, comme nous allons tout maintenant prouuer par tesmoings irreprochables.

RESPONSE.

SI ces tesmoings irreprochables sont les mesmes que ceux qui ont dict, Que la Moëlle estoit l'Aliment des Os, il faut examiner leurs raisons & auctorité. Que si touchant la nourriture des Os, ils parlent si clairement pour vous qu'ils font pour le soutien de ma cause (comme tesmoignent les Auctorités que ie vous ay mis au front & teste de mon liuret) Ie me rangeray sans autre controuerse de vostre costé. C'est pourquoy il faut remettre la connoissance de la cause a de meilleur intèprete que vous ny moy. Ie diray seulement en passant, que tout le chapitre present se pouuoit facilement rapporter au 8. chap. de vostre Paradoxe, sans vser de tant & tant de redittes que ie suis contrainct en les refutant de repeter, laquelle faute (si aucune ya de mon costé) ie prie le lecteur beneuole de vouloir excuser. Mais voyons ces raisons.

PARADOXE.

LA couleur naturelle del'Os, n'est pas d'estre blanc, mais il doit estre d'un blanc vermeil. La blancheur luy prouuient de la matiere dont il est fait & le passe vermillon du sang qui l'abbeuue.

R E S P O N C E.

E suis bien aise de vous voir pris dās vos filets. Combié de fois auez vous dict par cy deuant, que la nourriture des parties est telle que la matiere de laquelle elles sont engendrees? Or vous confessés maintenāt que la blācheur des Os leur prouuient de la matiere dont ils sont faitcs. Il sont donc (selon vous mesmes) par consequent nourris d'autre chose que du sang qui n'est pas blanc. Je m'en raporte au meilleur Cordonnier de Paris si mon argument n'est pas en forme, & s'il peut estre par vous nié. Mais venons a ce passe vermillon (qui n'est autre chose que ce sang blanchissant & se changeant par la chaleur particuliere de l'Os en nature de semence pour le nourrir) puis qu'ainsi est (comme vous mesme confessés) que toute partie aye ce pouuoir de changer son propre aliment en sa nature, & de le redre semblable a sa propre substance. Or il n'y a rien en l'Os qui ne soit spermatique; Donc le sang qui nourrit l'Os doit estre spermatique auant qu'il le nourrisse. Je me veux en outre seruir de

vos parolles mesmes contre vous disant, *Que* le passe vermeillon de l'Os (qui se remerque principalement aux enfans & en ceux qui n'ont encores atteint l'aage parfait, mais en ceux cy moins qu'en ceux la) ne luy peut venir d'ailleurs que du sang (non pas melancholict terrestre & limoneux) mais bien plustost d'un sang tres-pur & tres-net. Ne nous apparoit il pas vne telle couleur dans les Testicules & dans le Cerucau qui sont parties spermatiques & qui se nourrissent d'un sang pareil a leur substance, apres auoir este change & fait de nature a elles semblable? I'ay cydeuant dit, que ce passe vermeillon paroilloit plus es enfans qu'en ceux qui sont d'aage parfait, parce que les Os des enfans sont plus chauds, plus mols & humides qu'es hommes parfaits: & pource ont-ils besoin d'un plus copieux aliment pour se nourrir, & qui puisse suffire à la faculté Nutrice trauaillant lors à l'augmentation de la substance solide de l'Os: Er de là vient que les Os des enfans estés ruginés jettent un sang blanchissant (la cause de ce passe vermeillon que vous dittes): mais en l'homme parfait, il faut profonder la rugine iusques aux cauernules, premier qu'il en sorte du sang. La cause de cecy est, *Que* les Os de ceux-cy, se nourrissent seulement & ne croissent plus, & pourtant la substâce solide d'iceux n'est vermeille n'y abreuee de sang passe & blanchastre comme es autres: lequel sang n'est autre chose que la matiere feminine, dont s'augment l'Os en ceux qui croissent. Pour le

regard de l'incarnatiõ ou regeneratiõ de chair que l'on voit se faire es Os vulneres ou il ya de perdition de substãce (que vous dittes se faire du sang.) Je vous demande, ceste regeneration, se faiçt elle en la chair ou en l'Os? Si en l'Os, pourquoy la cicatrice demeure elle caue en la partie vulneree, sinõ pourraisõ de ce que la substance solide de l'Os ne se rengendre point? suivant le dire d'Hipocrate : non pas mesme la reunion d'iceluy (selon la commune opinion) ne se refaiçt iamais (sinon es enfans) mais bien la coalition, & connexion, par le moyeu du cal. Or ce cal est il de substance ou de qualites semblable au sang? Rien moins, mais tres-semal'Os. Et l'augmentatiõ & regeneratiõ de chair qui se fait sur l'Os perdu est ce pas des parties charnues & prochaines de l'Os blecè, & qui sont vulnerees avec iceluy, que resulte cest effect, & non pas de l'Os retranchè & perdu? La cicatrice demeurant caue (comme i'ay dict) le monstre ainsi. Que si c'estoit le sang qui im-^{a Galien}mediatement nourrist l'Os ; la cause efficiente ^{comment}
^a de la Generation, Augmentation, & Nutritiõ ^{14. l. Aph.} des parties qui est tousiours vne, ayãt de l'estoffe & matiere suffisamment, le sang a sçauoir tousiours abundant en la masse sanguinaire (ie ne dis pas le melancholic) voudroit elle demeurer mutilèe par faute de trauailler a la perfection de son ouvrage? A raison duquel principalement elle est dite admirable, tres-iuste, & tres-sage? Ne seroit ce pas donner subiect d'estre estimee au contraire folle & paresseuse? Mais le Galien (au cõtraire) & tous les Autheurs

ensemble traittans de ce fait, n'attribuent la cause de ce manque, qu'au deffaut de matiere & a l'indisposition du subiect passif qui est là durté trop grande del'Os.

Vous tashés de prouuer vostre dire en outre par l'exemple d'un Apocseparnisme, auquel'Os encor adherant a son tout, se reunit aveciceluy. Cela peut estre: mais le sang n'est pas le cyment ou la colle de ceste vnion (pour le moins immediate) comme il se peut voir & iuger par la couleur & consistence de la cicatrice del'Os reüny. L'obseruatiõ Anatomique en somme ne nous peut enseigner (cõme vous dittes) si c'est de sang ou de Mouelle que sont nourris les Os: mais bien qu'il se communique des venes & venules aux Os, les vnes qui penetrent toute leur substance, & les autres qui se perdent en icelle: car la substance du cerueau des testicules du ventricule & autres semblables parties spermatiques, sont tissues de venes & d'arteres pleines de sang, mais elles ne s'en nourrissent pas pourtant immediatement: cõme nous l'auons cy deuant prouué des authorités d'Aristote & de Galien, lesquelles se peuvent en outre iuger & confirmer par raison.

Sur le onziesme Chapitre.

P A R A D O X E

QUE la Mouelle n'est pas la matiere de laquelle le Callus se fait aux Os fracturés, & partant qu'elle n'est pas la nour-

riture des Os.

R E S P O N C E.

L'OPINION & l'autorité d'Hipocrate que nous auons cy deuant rapportee, repugne entierement a vostre dire, laquelle pour vous contenter nous accompagnerons de raison. Il faut (dittes vous) que le Cal se face de mesme matiere que celle qui engendre & nourrit les Os. Et nous auons prouué qu'ils estoient engendrés de Semence grasse, & nourris de Mouelle. Aquoy vous adioustés, Que le Cal ne se faiçt que d'une matiere propre, moyenne, & commode comme est le propre Aliment de l'Os. Et nous auons prouué que la Mouelle est le propre Aliment des Os non pas le sang, & qu'elle est (comme vous mesmes confessés) moyenne entre le sang & l'Os: ainsi ne crois-ie point qu'il soit besoing de reditte n'y d'autres discours & raisons que celles que ietire de vos parolles mesmes, pour prouuer que la Mouelle est Aliment de l'Os & consequemment la cause materielle du Cal qui se faiçt aux fractures.

P A R A D O X E.

Cette matiere du Callus (dit Galien) vient de ce qui redonde de l'aliment de l'Os rompu, qui se respand & coagmente autour des bords de la fracture, & par succession de temps est changé & alteré par l'Os, & luy est fait semblable.

R E S P O N C E.

NE neſçay par quel ſeau, ny quelles lettres vous pourrez eſtre releué de ceſte confeſſion, veu qu'ailleurs vous auez dit, que la Mouelle eſtoit le ſuperflu & redôdât de l'aliment de l'Os : Et en ceſte ſorte vous inferes fort bien contre vous-mesmes, que la Mouelle eſt la matiere du Cal, & que le changement du ſang en l'Os ne ſe fait que difficilement & en long temps, comme nous auons ja reſpondu à ce que vous diſiez au contraire. Or vn homme en ſa propre cauſe vaut deux teſmoins, & le teſmoignage de deux eſt vn ſujet & fondement ſuffiſant pour iuger en deſſinitiuie vn procez : Par ainſi voſtre langue-mesme prononce iuſtement voſtre arreſt & ſentence. Touchant le mot de Porus Sarcoide lequel vous tenez pour vne piece des plus fortes de voſtre ſac, Ce n'eſt ſi grand cas que vous penſeriez bien : Car toutes les parties ſpermatiques molles & laxes, comme les nerfs, venes, arteres, membranes, ligamens, & ſemblables tât ſimilaires que diſſimilaires, ne ſont elles pas dites charnues a cauſe de ceſte ſubſtance molle qui remplit leur fibres ſpermatiques au moyé de laquelle vne chacune d'icelles eſt dite auoir ſa propre chair & ceſte chair eſt elle d'eſſéce ſanguine ou ſpermatique? de dire quelle ſoit ſanguine, cela ſeroit cõtre raiſon: mais bien au cõtraire ſpermatique, & neantmoins elle porte nom de chair. A la difference des Os, cartilages, & des fibres ſpermatiques premieres, procrees de
ſemence

semence des leur conformation, la substance solide desquelles ne se resout ny dissipe iamais (au moins naturellement) mais ceste autre substance charnue quoy qu'elle soit reduë spermatique par la faculté Assimilatrice, se resout & dissipe neanmoins continuellement par la chaleur naturelle. Je croy qu'il y a (oultre ce) deux raisons, pourquoy le cal est appellé *Porus Sarcoides*. La premiere, que ie tire de Galien, est pour ce que l'Os estant fracture & les parties charnues voisines d'iceluy aussi contuses & brisees, la generation du Cal se faisant, aussi se faict la regeneration de chair aux parties contuses & brisees : De maniere que le Porus qui se faict estant couuert de ceste nouvelle chair, semble estre engendré d'icelle & vne mesme substance, & icelle engendrée des mesmes causes tant efficiente que materielle, mais cela ne va pas ainsi : Car la chair qui se reengendre es parties charnues est & demeuré toujours chair, & le Porus qui est au commencement (ainsi que les Os des enfans) mol, rougeastre & (comme vous dittes) d'un blanc vermeil, par succession de temps s'endurcit & desseiche si fort, que l'Os n'est pas plus fort ailleurs qu'à l'endroit du lieu où il est cyménté de ce Porus. L'autre raison est à cause de sa mollesse, au moyen de laquelle il semble estre au commencement de substance charnue, (comme les autres parties spermatiques que nous auons cy-deuant dit) au regard de l'Os, qui est très-dur & très-sec. Car de dire qu'il fust ainsi dit, pource qu'il est de substance sangui-

ne & charnue, le sens est trop contraire à cela; veu qu'aucune partie ne peut estre proprement qualifiée du nom de chair, s'elle n'est immédiatement nourrie du sang, & comme telle demeure-elle toujours molle, rouge, chaude & humide. Or le propre du Cal n'est point tel: Doncques est-il improprement appellé Sarcoide.

PARADOXE.

Sila Mouelle estoit l'aliment de l'Os, il s'ensuiuroit qu'elle seroit la cause materielle du Cal. Or tant s'en faut que les Os soient mieux collez (car le Cal sert à la reunion des Os, ainsi que la colle au bois) là où est la Mouelle: au contraire c'est là où i'amais ils ne sont reunis par Cal. Et ce qui sensuit.

RESPONSE.

LA vulgaire & commune opinion tient que le cheual ayant les Os rompus ne guerit i'amais, à cause, dit-on, qu'il a trop peu de Mouelle dans les Os, à quoy j'adiouste la grande siccité d'iceux. C'est pourquoy les fractures aux vieillars & bilieux sont plus difficiles à guerir qu'és ieunes & sanguins: & d'entre les Os, les plus durs & secs sont plus l'ogtéps à guerir que les mols: Pource, dit Galien, que les choses dures & seiches ne se peuuent reunir que tres-difficilement, mais les molles au

contraire facilement. Que si l'Os n'est cymen-
té en sa partie interieure comme en son exte-
rieure, faut-il inferer de là, que la Mouelle n'est
pas la matiere & le cymient de cette reuniõ? Ne
sçavez-vous pas que la force de l'Os cõsiste en
la durté & solidité de son corps, & que ceste
durté gist en son exterieure partie qui est dense,
compacte & serrée, & non en son interieure,
rare, cauerneuse & fistuleuse? Et si d'adventure
la fracture se voit moins remplie en la superfi-
ce interne de l'Os qu'en l'externe, Ne jugez-
vous pas celà proceder d'une sagacite admira-
ble de nature qui employe vne partie de l'ali-
ment à la generation du Cal, si necessaire à l'in-
tegrité & perfection de son tout? car sans ice-
luy la faculté motiue seroit mutilée en la partie
fracturée. mais affin de sçauoir que c'est du Cal,
il faut rechercher & examiner quelles en sont
les causes, tant efficiente, materielle, formelle
que finale. que ce ne soit la chaleur naturelle &
specifique de l'Os qui en soit la cause, personne
n'en doute. *Hic est enim omnium operum naturalium
causa, & morborum medicatrix.* Mais dit Gal. parlant
des fractures *l. de art.* quelle est l'action de ceste
chaleur sinõ la generatiõ du Cal. Or la genera-
tiõ est œuvre de la faculté Procreatrice, & cette
faculté n'opere rien sans l'aide de l'Auctrice &
Assimilatrice, ainsi s'ẽble-il que le Cal soit effect
de cesz facultez. Cela se peut verifier par ce qui
s'ensuit. ^a *Procreatio motio est quæ ad novam substantiam* ^a *Ferncl.*
producit: mais il se fait changement & mouve-
mẽt alteratif de la Mouelle en Cal qui est d'au-
tre substãce que la Mouelle: ainsi la generation

du Cal peut estre l'effet de la faculté Procreatrice. Quel'Auêtrice ne coopere en ceste actiõ, cela se peut aussi demonstrier : car le Cal qui est de substance solide & spermatique s'augmente & croist a veue d'œil de iour en autre, Or la fin de la faculté Auêtrice est l'accroissement parfait de la substance solide des parties spermatiques : Ainsi la generation du Cal peut estre dicté l'effect en partie de la faculté Auêtrice. Outre ce, le changement de la Moüelle en Cal n'est-ce pas aussi l'effect de la faculté Assimilatrice de l'Os? Or ay-ie cy deuant prouué que la Procreatrice & l'Auêtrice traualloient d'une mesme matiere (scauoir est la Semence grasse & visqueuse) a la generation & augmentation des Os & l'Assimilatrice de la Moüelle aussi grasse & visqueuse (comme vous-mesmes le dittes au chapitre suyuant) Or est la Semence, l'excrement vtile & superflu du dernier Aliment, & la Moüelle (ce dittes vous) le redondant & superflu de l'aliment propre de l'Os, sera-ce done pas de Semence ou de Moüelle que le Cal sera fait? Ainsi la sentence de Galien par vous alleguée demeurera fixe & veritable; scauoir est, que la generation du Cal procede du redondant du propre aliment de l'Os. Peut estre direz-vous que le Cal n'est pas si dur que l'Os (Non pas au commencement non plus que l'Os mesme apres qu'il est engendré) & que la substance d'iceluy est dissemblable de celle de l'Os, & partant, que la generation du Cal ne se peut faire de la

^a l. de arte sorte que ie dis. Le Galien ^a & le Commenta-

teur d'iceluy respondent à cela disans, que là où les instrumens manquent, là aussi l'œuvre manque de perfection : Or en la generation du cal defaillent les instrumens requis à vne parfaite generation : De là vient qu'il ne se peut faire vne mesme substance que l'Os diuise ou perdu en la fracture, quand mesmes y auroit de la matiere plus abondamment qu'il n'y a pas, A quoy ils adioustent (comme i'ay dit) l'indisposition de la partie, la durté de l'Os, à scauoir qui repugne à cet effect, *Alioquin (inquit Galenus) Os coalesci nō coniūgi diceretur.* Qu'il n'y aye manque de matiere, il se peut aisement juger ou cōiecturer de ce que vous dittes, qu'à l'endroit de la fracture interieurement il y a vne vacuite sans Mouelle : n'est-ce pas que ceste Mouelle, qui ne seruoit auparauant qu'à nourrir l'Os, a esté employée à la generation du Cal ? S'il n'y a de la rithme au moins y a-il^a de la raison pour le croire. *Origo enim Calli^a, quatenus formam habet Ossi similem, ex eius nutrimento gignitur.* Or ay-ie prouué que c'est la Mouelle qui nourrit l'Os, Qui ne croira donc que c'est de Mouelle qu'est engendré le Cal, plustost que la generation d'iceluy soit par elle empeschée (comme vous dittes) A l'exemple d'un effect semblable que produisent les choses grasses & onctueuses appliquees sur l'Os fracturé que vous proposez. Mais ceste comparaison ne peut estre bonne : car la Mouelle est Aliment à l'Os, & partie du corps, ainsi que le sang & les esprits influens : & les gresses appliquees à l'Os sont medicamens : La mouelle

^a Gal. l. de arte, & 6. de placitis.

(s'il faut ainsi dire) est naturelle & amie à l'Os: & les choses grasses medicamenteuses tout au contraire. Et quand mesmes ainsi seroit, que la Mouelle fut excrement de l'Os (comme vous voulez) elle ne pourroit empescher la generation du Cal, non plus que l'vrine (qui est vn excrement bien plus aspre & mordicant) la reunion de la vessye que l'on incise ordinairement en l'extraction de la pierre. Vous eussiez (ce me semble) mieux fait de dire que plutost elle pourroit retarder l'effect & derniere intention de nature en ce fait: Pource que toute humidité estrangere est contraire à l'agglutination & cicatrisation des parties vulnerees Touchant l'authorité de Guy, elle semble estre extraicte du passage de Galien que nous auons cy-deuant allegué, la suite duquel peut seruir de solution, & replique à ceste authorité, toutefois il faut ouyr ses parolles, car elles ne font rien contre nous. Voicy ce qu'il dit: Que le nutriment vient des venes en la chair, & de la chair aux Os, & qu'il faut que la playe qui est en la chair soit remplie de chair, & ceste chair endurcie par dessiccatifs, affin que Porus soit faict, & qu'il ne scait pas comment Porus se puisse faire autrement, sinõ par vne chair moyenne. Oray-je cy-deuant dit de l'authorité d'Hipocrate^b. Que les Os tirent des chairs prochaines ce qui est en icelles de gras pour les nourrir: Mais affin que cest aliment soit employé & changé en nature du Cal: il faut la dispensation de nature^c. (*Quæ vis quadam est in solidis partibus maximè sita, corpus vniuersum*

^b l. de nat.
puer.

^c Gal. de ar.
te & aka-
kia aut cõ.
nient.

dispensans omniumque opifex existēs.) & l'industrie du Chirurgien, qui luy administre les alimens & medicamens cōuenables à cest effect: Ceux là pour engédrrer vne matiere alimentaire propre à faire le Cal: Et ceux-cy pour retrancher les causes contraires à la perfection d'iceluy.

PARADOXE.

QUE les signes de la generation du Callus <sup>* Paul agi-
nete.</sup> sont lors que les sousbandes sont teintes de rouge & sanglantes, & ce qui s'ensuit.

RESPONSE

QUAND ceste autorité seroit la mieux receuë de tous, elle ne peut rien contre ce que ie viens de dire: car si cela est vray, n'est-ce pas l'effect de la faculté expultrice que l'yssuë des excrements hors de quelque partie? Et pource je dis que s'il s'est iamais veu en vne fracture sans playe, que les sousbandes fussent sanglantes (qui ne peut arriuer qu'apres la cessation des symptomes, & que la partie soit bien temperée, comme elle doit estre pour bien faire le Cal) c'est l'effect de la nature bien reglee qui separe lors l'vtil de l'inutile, retenant avec soy l'vtil pour s'en seruir, & rejetant hors l'inutile à (scauoir ce serum sanglant, qui teint de rouge les sousbandes) comme estrangier & contraire à son œuure. De dire qu'un tel serum sorte del'Os, ce seroit pure mocquerie; car c'est l'un des ex-

cremens de la sanguification qui se fait au foye & parfaict dans les venes esparfes en toutes les parties. Or celles de la partie fracturee comme voiturières de l'aliment commun à toutes les parties qui la composent, & pource continuës à icelles, ayant esté contuses & rompues ensemble avec l'Os^a (ainsi que dit le Galien) & les chairs prochaines de la fracture venant à se remettre en leur premier estat, se repurgent de ce serum, & le jettent hors comme superflu: si est sanglant, il peut teindre comme dit Paul Æginete les sousbandes, & nō pas autrement. Je sçay de ceux qui ont peut estre autant veu de fractures que vostre autheur, qu'ils n'ont jamais recogneu vne telle chose. Et la raison mesme nous demonstre assez qu'un tel excrement ne peut sortir d'une partie fracturee sans playe à trauers les pores d'icelle: Et quand ainsi seroit cest excrement, ne peut sortir de l'Os: mais des venes, arteres, & chairs qui sont blecées avec l'Os, comme j'ay dit.

P A R A D O X E.



A maniere, le lieu, & l'ordre que nous tenons à bander les fractures nous tesmoignent le mesme: Car il nous est commandé de serrer au commencement sur le lieu fracturee & peu à peu montant en haut vers la racine des vaisseaux. Et pour conclusion vous dittes que c'est de Sang & non de Mouelle qu'est fait le Callus.

RESPONSE.



Quant est de la conclusion elle est assez resolue il faut seulement vn peu esclarcir ceste ligature. & premieremēt sçauoir que ceste façõ de bander se faict pour deux intentions, comme vous pouuez sçauoir. La premiere bande, qui est de deux ou trois reuolutions sur le lieu fracturé, à deux vsages: L'vn est de conseruer en vnion, & egalité les extremitez remises de l'Os fracturé: Et l'autre, d'exprimer le sang cõduict par les venes & espars es chairs prochaines, hors de la fracture. La 2. intentiõ (qui est en la conduicte de la bande contre-mont) c'est pour empescher la fluxion trop grande du sang en la partie fracturee, & pource est ceste premiere bande appellee repulsiue. Mais la seconde bande ditte expulsive, qui se conduit apres les deux premieres circõuolutions faictes sur l'Os fracture (pour mesme intention que ceux de la premiere) se conduict contrebas, affin d'exprimer & chasser loing de la fracture le sang & les humeurs esparfes en la partie fracturee. Je pense que vous aduouerez tout cela. Surquoy ie demande que comprime on par ces sousbandes des parties charnues ou de l'Os? Il n'y auroit pas raison de dire que ce fust l'Os, car il est trop dur, & trop sec pour obeir à chose si molle qu'est le bandage pour fort qu'il puisse estre: Ce sont dõcques les parties charnues que l'on comprime par ceste deligature, pour les raisons

& intentions susdictes, la fin desquelles est d'empescher la suruenue des accidens contraires à la guerison. Mais le temps d'iceux passé il faut vn bien peu lascher les bandes à ce que la nourriture puisse venir en la partie: voire mesmes il est commandé: (car ainsi le dittes vous) de la fomentier pour y attirer de l'aliment suffisamment, & comme dit Galien, *b victus ratio requiritur ex qua tantus talisque sanguis qui ad ossa fertur, comparetur, quātus qualisque generando Callo est necessarius:* (mais entendons tout, *quod enim sequitur est nota dignum*) *quoniam rursus is per Ossis fracti cauernas transmittitur, considerare eius multitudinem.* (pour, ce l'on donne plus a manger au bledé lors que le Cal se doit faire) *& qualitatem.* D'ou chascun peut colliger que le sang duquel se faict le Cal n'est la matiere immediate d'iceluy, puis qu'il faut que premierement il passe dedans l'Os, & de rechef qu'il sorte hors des cauernes d'iceluy (qui sont interieures) & qu'il s'espande entre les labies de la fracture, ou il est par la faculté Assimilatrice de l'Os conuertie en Cal, & faict le cymment tres-fort de l'Os fracturé

Sur le douZiesme chapitre

PARADXE.

Puisque nous soustenons, que la Moüelle n'est pas l'aliment des Os, nous sommes obligés de luy trouuer d'autres vsages. Le premier desquels est de rechauffer, fomentier,

& fortifier la complexion froide de l'Os, & ce qui s'ensuit.

RESPONSE.

TOut cecy se pourroit bien passer de responce, considere ce qui a esté escrit cy deuant, & principalement au lieu ou nous auons dict, qu'il estoit mal-seant & iniuste d'oster l'heritage aux legitimes enfans pour le donner aux estrangers : laquelle comparaison i'ay differé d'expliquer en ce chapitre. Qui osera nyer que les excremens ne soient ou ne se puissent dire les estrangers de nostre vie, & les Alimens au contraire (principalement le propre d'une chascune partie) les vrais & legitimes enfans d'icelle? Ceux cy fournissent les moyes ala nature de se conseruer : & ceux la ne luy seruēt que comme d'esclaves a la cōduitte de sō trauail specialemēt les vtiles. Or cesvfages que vous attribues a la Moüelle sont essentiels aux Alimens, signamment au propre d'une chascune partie, cōme nous allons prouuer. Destoupés vn peu vos oreilles & retenés s'il vous plaist ce que i'en ay trouué par escrit dans vn Auteur irreprochable ^a *Quatuor com-
moda ex Alimento utili & proprio proueniunt. Pri-
mū est Caloris natiui substantiam fouere. Secundum
vires recreatis spiritibus corroborare. Tertium, car-
ne explere. Quartum denique, simile aliquid facere
substantiæ deperdita.* Voyés comme ce premier
vsage que vous donnés a la Moüelle comme
excrement est compris sous ces deux premie-
res vtilités qui prouiennent du propre Alimēt

^a Hippocr.
l. de alimē.
to. Galenus
l. 3. temp.
Gourmelan
comm. in l.
hip. de ali-
mento.

a chascune partie qui en est nourrye. Outre cela vous voulés qu'elle serue a l'Os, ainsi que de fourrure au corps. Je ne sçay ches quel fourreur vous auez emprunté ceste similitude: mais les enfans mesmes nous diront que la fourrure ne conserue la chaleur du corps, qu'en s'opposant exterieurement au froid qui viét par dehors. Or la Moïelle est en l'Os du tout interieure, car non seulement elle remplit les cauites & cauerules des Os, mais aussi s'espand dans toute la substance de l'Os pour le nourrir (car ainsi le faut il, pour s'opposer a la carie comme vous dittes qu'elle faiét) & par ainsi elle ne peut resister au froid ny seruir de fourrure. Quant au Diploe, que vous dittes auoir esté ainsi nommé pour ce qu'il sert comme de doublure aux Os du crane. Je n'ay iamais leu ny ouy chose semblable: mais i'ay appris & tousiours creu, qu'il est ainsi nommé, a cause qu'entre les Os du corps humain n'y en a aucun qui ressemble tant a vne piece de drap redoublée, ou a deux pieces ensemble appliquees l'vn contre l'autre, que les Os du crane, tellement que le millieu d'entre ces deux pieces (qui est de substance moyenne entre icelles) sèble estre de quelque diuerse estoife a l'vne & a l'autre: mais qu'il serue aux Os du crane cōme de doublure aux habits, a quel propos ceste similitude, veu qu'ailleurs vous l'aués estably pour vn receptacle du sang Alimentaire des Os du crane? & ainsi ne peut il estre vn reservoir a Moïelle pour seruir comme d'excrement fourre contre le froid. Touchant ce que vous proposés des Animaux froids qui ont plus

de Moüelle que les chauds: Nous auons satisfait a ce point sur le 7. chapitre de vostre Paradoxe. Bref ces proprietés que vous attribues a la Moüelle ne luy sont particulieres, mais cōmunes a toutes autres telles & semblables substances medicamēteuses lesquelles appliquées sur quelque partie schirreuse ou marasme font vn pareil effect que la Moüelle, pourueu qu'elles soient de semblable temperament.

PARADOXE.

LA seconde vtilité, c'est qu'elle empesche la trop hastiue dessiccation des Os.

RESPONSE.

AVssi est ce l'vn des vsages qu'Aristote & autres attribuent au propre Aliment des parties entant qu'il fomente & conserue l'humidité radicale des parties solides, qui est a cest effect, de substance grasse & oleeuse comme a esté dict ailleurs, & par ainsi tel vsage conuient iustement a la Moüelle comme Aliment, & non comme excrement.

PARADOXE.

LA troiesme vtilite est, pour rendre les Os plus faciles & commodés au mouuement.

RESPONSE.

Ela seroit vray, si la Moüelle estoit diffuse par toutes les articles qui sont principalement faictes pour le mouuement, comme l'union, & solidité des Os pour la force : mais si elle est enfermee dans vne membrane (comme vous dittes) elle est bien empeschee de cest vsage : si ce n'est que vous disiez qu'elle a quelque secrette intelligence avec la gresse qui se trouue entre les articles mobiles naturellemēt destinee a cest effect. Surquoy ie vous demanderois volontiers, D'ou vient donc que la nature n'a point donné a tous les Animaux pareille quantité de Moüelle? veu que le mouuement estant essentiel a l'Animal, si la Moüelle auoit tel vsage que vous dittes tous les Animaux en deburoient estre bien partis : principalement ceux la qui sont plus vistes & soudains a la course que les autres. Ce qui se trouue au contraire comme au Cheual, au Chien, au Lyon, au Daim, au Cheurcil & semblables Animaux fort chauds & remuans.

PARADOXE.

LA quatriesme est pour mieux resister aux Liniures externes & rendre les Os moins subiects a estre fendus.

RESPONSE.

LEs Os des vieillards & des bilieux ne sont ils pas autant Mouelleux que ceux des ieunes? Et cependant ils sont plus aisement fracturés & fendus que ceux des ieunes. Ce n'est donc pas la Mouelle qui empesche la fracture. Pour mesme raison on peut dire (mais en contraire sens) Que les os des enfans sont moins subietz à la fracture ou fissure que ceux des vieillards, non pource qu'ils sont plus Mouelleux, mais pource qu'ils sont plus mols & humides d'humidité naturelle & radicale: Que si la Mouelle a cest vsage ce n'est en qualité d'Excrement (croyés le) mais d'Aliment: pource qu'elle retarde la trop soudaine siccité de l'Os, qui est l'vne des proprietés de l'Aliment

PARADOXE.

LAcinquiesme vtillité est pour seruir de matiere a remplir les cauites & cauernules des Os.

RESPONSE.

IL semble que vous vouliez que la mouelle soit faite pour les cauites & cauernules des Os: mais ie tourne & conuertis vos propos & soustiens que les cauites sont faictes pour la Mouelle. Ma raison est, que le contenant est faict pour le contenu: & telle,

que les Os ayant befoing de se nourrir, & la substance solide & compacte d'iceux ne permettant l'effusion ou diffusion de l'humidité Rorale & Alimentaire en icelle, ainsi qu'elle se faict en celle des autres parties tant Charnues que Spermatiques, à cause de l'espace moyenne qui est entre les fibres spermatiques d'icelle, auoient pour ce befoin de quelque autre espace & vacuité pour receuoir, contenir & retenir leur Aliment pendant que la chaleur naturelle le cuit & assimile: de sorte que ces cauites sont ainsi que des greniers au corps humain, pour seruir la prouision alimétaire (des Os principalement) & fomentent continument la chaleur d'iceux, d'autant qu'il ne se peut faire vne prompte & soudaine assimilation de leur propre Aliment en leur substance. Je ne veux pas dire pourtât que les cauites ne seruent aussi à rendre le mouuement plus leger & facile, mais s'ils seruent à cest effet, cest vsage ne leur est essentiel: car à ceste occasion les Animaux plus remuans en deuroient estre mieux partis, ce qui toutesfois n'est point. Puis ces hommes imaginaires de Plin, seroient donc bien lourds & pesans à l'esgard des autres, & par ainsi les faudroit enrouler au rang des Plâtanimées & non des Animaux. D'ou il appert que les cauites des Os seruent peu au mouuement.

PARADOXE.

I'A y autresfois ouy dire a vn ſçauant Medecin, que la Mouelle ſeruoit d'eſpeſcher que les Os ne fuſſent ſi ſubieſts a la Carie : & ce qui ſ'enſuit.

RESPONSE.

Si la Mouelle eſt incluse dans vne membrane (ſelon voſtre dire) comme ſe pourra elle eſpandre dans toute la ſubſtance del'Os pour ſeruir a ceſt effect? car pour ceſte fin elle doit eſtre diſſuſe par tout l'Os & meſmement iuſques en ſon externe ſuperficie, veu que c'eſt la, ou la Carie comence de ſe faire par l'influxiõ ou ſeiour de quelque mordant & malinumeur; mais ie demande les Os, des verollés qui ſe carient ordinairement ſont ils moins Mouelleux que ceux des autres? Et les Os des iambes des bras & des clavicules qui ſont des plus Mouelleux & plus prompts a la Carie, que ne luy ſont ils pareille reſiſtence que les autres qui ſont moins Mouelleux? Ie ne voy pas qu'on doie beaucoup applaudir a ceſte nouvelle opinion: mais quand ainſi ſeroit qu'elle ſeruiſt a ceſt effect, ce ne peut eſtre en tant qu'excrement de l'Os mais pluſtoſt comẽe Aliment; en fomentant, fortifiant & conſeruant la naturelle Chaleur d'iceluy, qui ſont proprietes eſſentielles au dernier Aliment des parties, au moyen de quoy ceſte naturelle

chaleur ainsi corroborée, résiste mieux aux iniures, & malignes qualités des humeurs contraires à l'estre de l'Os, & efficientes de la Carie. Iedis davantage, que le froid extérieur (qui est l'ennemy mortel des Os) altère aussi bien les Os plus Moïelleux que les autres: & la Carie qui attaque aussi tost les Os des vieillards que ceux des ieunes & des enfans, tesmoignent assés contre vous que la Mouelle n'a pas ceste propriété: mais il faut croire que cela procedé de la trop grande humidité de l'Os & du sâg qui luy est enuoïé en plus grande quantité qu'il ne faut: car les corps humides d'humidité excrementielle sont plus subiects à pourriture que les autres. Mais l'Os de l'homme parfait estant abbreuvé copieusement d'humidité naturelle & substantifique plus que toute autre partie du corps humain (comme auons dict) & ceste humidité luy estant conseruée par vn Aliment semblable, qui est la Mouelle, laquelle se respand en toute sa substance, & s'vnt à icelle par le moyen de l'assimilatrice d'iceluy, n'est ce pas vn tresfort moyen de s'opposer non seulement à la Carie, mais aussi à toutes autres iniures tant internes qu'externes? De là vient que de toutes les parties, les Os sont les derniers offencés en quelque maladie que ce soit, & la ruine d'iceux est le dômâge des autres côme estant la base & fondement de toutes les autres. En fin d'où procedé ceste corruption à l'Os sinon de son Aliment premier corrompu? Et cest Aliment qu'est il autre chose que la Mouelle? La commune voix & complainte (outre les rai-

sons susdittes) semblent nous enseigner cela, car si aucun est offensé par excés en son ame ou en son corps, il dit que ceste offence l'a penetré iufques a la Mouelle des Os. Que veut dire cela, sinon que la Mouelle est l'vne des plus riches pieces de nostre vie? Et comment peut elle estre telle, sinon qu'en conseruant la cause d'icelle? Et ceste cause, n'estce pas la chaleur naturelle establie dans l'humidité radicale de laquelle les Os abondét beaucoup? C'est pourquoy Platon n'a pas dict sans cause & raison, Que de la Mouelle procedoit la force de la geniture humaine, puisqu'elle est le plus doux, & le plus suau de tous les Alimens, & que d'icelle est tiré tout ce qui est de gras en la semence pour la generation des Os qui sont la force du corps humain. Concluons doncques a la fin apres tant de Maistres & grands personnages, *Que la Mouelle est l'unique & propre Aliment des Os.*

*In timo
& vales. de
contr. med.*

*Vndique quadrata sibi constat imagine verum.
Non secus ac solido tessera plana situ.*

LAVS DEO.

LES FAUTES PLUS NOTABLES
Commises en l'impression de celiure,
oultre les marges.

Page 1. l. 17. n'y pour ny, pa. 2. l. 16. que pour que, p. 2.
l. 28. voyent pour void on. Et ils confessent pour on
confesse, p. 3. l. 7. constituent pour constitue p. 3 l. 9. tem-
peramment pour temperament, pa 3 l. 19. face pour face,
pa. 4. l. 9. premieremnet pour premieremēt, p. 4. l. 20. ron-
tes pour toutes. Et l. 21. naturelles pour naturelle, p. 5. l.
22. *gignuncur* pour *gignuntur*, pa. 5. l. 32. *facernitur* pour
secernitur, pa. 7 l. 13. que pour que, pa. 9. l. 8. engendree
pour engendrees, pa. 9. l. 31. formatrice pour formatrice
pa 10. l. 4. Alteratrice pour Alteratrice, pa. 10. l. 31. *faculta-*
tes pour *facultates* pa. 15. l. 4. des pour es p. 15. l. 30. que pour
qui, pa. 16. l. 2. qualite pour qualites, & l. 14. ce pour a ce
pa. 23. l. 12. qu'elle pour quelle, pa 24. l. 18. de pour du pa.
29. l. 10. afflige pour affligee, pa. 36. l. 18. *omues* pour *omnes*
& l. 15. *cococtus* pour *concoctus*, & *Aristotele* pour *Aristoteles*,
pa. 37. l. 28. *nutrit* pour *nutrit*, pa. 39. l. 9. succedeut pour
succedent, & l. 22. imbecillem pour imbecille, pa. 40. l.
22. *simplic es* pour *simplices*, pa. 46. l. 14. il pour ils & l. 20
sunt pour *sunt*, pa. 47. l. 16. *cuties* pour *cutis*, pa. 48. l. 17.
cat pour cat p. 49. l. 21. l'homme bon quoy, pour, l'hom-
me, quoy, pa. 60. l. 9. vne pour d'vne, pa. 73. l. 20. qui se
conduict. Et de superflu.